

Irokhase Ni iJoni o keke

Ikhueghie ungmemhi-a

¹ Ebe ona a keke imekeguele oyi iJesu iKirisiti shi ni Eshinegba o ro nali ni e khi emini a ya me ni ode o a ke nue, ni o rote obo oyi ageni rokhase iJoni oni oo ga oyoli. ² IJoni o pfi otsele shi emhi nya ni o me ni o khi ungmemhi oyi Eshinegba ali otsele oyi iJesu iKirisiti. ³ Ikhivose o khi na ogbo ni o ya ze ingmemhi eyi imeguele ena, ikhivose o li ya khi na ogbo ni o suo we, ali oni o ri emini a keke shi o gbe akanya, irari khi oni egheghe ni a ro ya me eni emhi enana nya o she ti bhale. ⁴ IJoni o ri otse ghi igbaa nya eyi eni e mie iJesu iKirisiti suo ishilua ni e la eke Esha.

Okhale ali opfomhe o ka khi oyee rote obo oyoli, Oni o khi loli, ni o kie kpe khi loli, ni o kie gbo ya bhale. Iyemhe ishilua ni e migha odalo ukpekhomhi oyoli e li e tse e.* ⁵ Li shi iJesu iKirisiti ni o khi otsele ona igesikia, oni o te odode mu eghuli o le, ni o mhesa na ighie na agbo, o li ri otse ghi e.†

Loli ni o nono ingme oyawa, ni o ri o lia eyoli rue awa olamhe eyawa le, ⁶ o she ri awa khi ighie ali ekpodalo-ugamhi eyi Eshinegba ni e ke ga Eshinegba oyoli ali itali. Ufumhi ali ekpabo e khi eyoli agboagbo ya je agboagbo! Atse.‡

⁷ A ghe i, o ya la

* **1:4** Li ze Okiali 3.14; Iro 4.5 † **1:5** Li ze Aza 55.4; Iwolo 89.27

‡ **1:6** Li ze Okiali 19.6; Iro 5.10

elemhi otughunu
 ke bhale,
 ukpeloe nya e ya me ọli,
 ghe egbo ni e soro li iwere.
 Egbo nya na eke agbo
 e ya vie oya irari oyoli.

Igho o ya li! Atse.S

8 “Mhemhe mhi khi Aafa ali Omega.” Eshinegba Onomhue Nofune nya o ngme gho, Oni o khi loli, ni o kie kpe khi loli, ali ni o ya bhale.*

Oni o li abi Omi ogbo

9 Mhemhe ijoni ni mhi khi inyoghuo e ni awa ga me osoli, ni awa ga mholi obo shi omhese ali ni awa kuegbe-a regbemie itobo iJesu. Abi mhi ro la eke ni i la iteva oke oniemhi ni a lu iPatimosi irari ungmehi oyi Eshinegba ali otsele oyi iJesu. 10 Ayemhe o tiemhile shi mhe o ogbele oyi Onomhue, mhi suo uruli na leghe nabi akala ukhokho oyemhe. 11 Oni uruli oo, “Keke emini u me shi ebe, ni u rue oli ghi igbaa nya eyi eni e mie iJesu iKirisiti suo ishilua eni e la eoli Efesosi, ali iSimirina ali iPagamu ali iTiatira ali iSadisi ali iFiladefia ali iLaodisha.” 12 Mhi mu egbe nyene ni mhi me uruli ni o nu mhe e ngme. Abi mhi ro nyene egbe, mhi me ikhuli igolu ishilua ni a ri ikpa ru e nga. 13 Ifui eni ikhuli ni a ri akpa ru e nga, mhi me ogbo, “Ni o li abi Omi Ogbo.”† O so itsua na dogo ni e ramhi oli imekene awe, ni o ri ughogbho igolu mu aye. 14 Ukhomhi ali itsu

§ 1:7 Li ze iDan 7.13; iMat 24.30; iMak 13.26; iLuk 21.27; 1 iTesa 4.17; iZaka 12.10; ijon 19.34,37 * 1:8 Li ze iRom 1.17; Iro 22.13; Okiali 3.14 † 1:13 Li ze iDan 7.13

eyoli ee pfuase abi afuolu, ee pfuase pepere abi otughunu opfopfo, ikpamhi alo eyoli e li abi emhi erali. ¹⁵ Awe eyoli e ge nyagha abi akhuli ide. Uruli oyoli oo de limhilimhi abi ikhoshe oyi utumhi oko nofuno ni o rote ikhomhi eche tu e tiemhile. ‡ ¹⁶ Obita oyoli o mu ikpetata ishilua mhue, itakobi ozalo eva o rote unu oyoli lasele. Alo eyoli e ga nyanyanya abi ovo o khueghie unu-a. ¹⁷ Abi mhi ro me oli, mhi de yeshi oli awe abi oni o she ghu-a. Ama o ri obita oyoli nga mhe egbe, oo mhe, “Khi na ulishi, mhemhe mhi khi Onodode ni mhi khi oni o kpe ukhokho.* ¹⁸ Mhemhe mhi khi Oni o la agbo, Mhi kpe ghua, ghe khe khi mhi la agbo agbo agbo. Mhi mu okpe eghuli ali ilimhi mhue obo.

¹⁹ “Irarigbo, keke emini u me, emini aa me mena, ali emini a ya me ini oo deno. ²⁰ Osheli oyi ikpetata ishilua ni u me mhe obita ali ikhuli igolu ishilua ni a ri ikpa ru e nga na. Eni ikpetata ishilua wewe e khi eni igeni ena igbaa oyi eni e mie iJesu iKirisiti suo ishilua, eni ikhuli ikpa ishilua e khi igbaa nya eyi eni e mie iJesu iKirisiti suo ishilua.

2

Ebe ni a keke ghi igba eni e miesuo ena eoli Efesosi

¹ “Keke enana ghi ageni na igbaa oyi eni e mie iJesu iKirisiti suo ni o la eoli Efesosi: Enana e khi ingmemhi eyi oni o mu ikpetata ishilua mhue obita, ni oo kia ifuabo eyi ikhuli igolu ni a ri ikpa ru e nga. ² Mhi lese onete ni aa ri ele ali itotobo gbe akanya oye e ali iregbemie oye e. Mhi lese khi aa

‡ **1:15** Li ze Ezik 1.24; 43.2 § **1:15** Li ze iDan 7.9; 10.6 * **1:17** Li ze Aza 44.6; 48.12; Iro 2.8; 22.13

ya so egbo okhoro shi iteva oye e, ali khi a she mu egbo ni e lu egbewe ighiusomhi na kefe fe bino, a me khi egbholi efe lo. ³ A she mhuere iregbemie, a ri egbe mie omunu irari eva oyemhe, aa ti egbe je ukhokho. ⁴ Ama mhi mholi ona ya gue shi e egbe, khi a she kie inono ni a te kefe mhuere. ⁵ A sato ashini a ti nga ramhi elemhi ayemhe ni a te de. A mu pfi, ni a riefe emini a kpe te eke e riefe gbo ke riefe. Ini aa mu pfi, mhi ya bhale deba e ya wolo ikhuli ni a ri ikpa ru e nga eye e ashini e la le. ⁶ Ama a mhuere onete ona ni a riefe. Eri angeli eyi egbo iNikolaita e kpare e, ni o khia khi e lili e kpare mhe. ⁷ Oni o ze eso, o ro suo abi Ayemhe o gue e ye igbaa oyi eni e mie iJesu iKirisiti suo nya.* Oni o da mu o le ne, mhi ya lama na li ni o le ukpamhi oora oyi agbo ni o la Apefe oyi Eshinagba ni o la iloghie.

Ebe ni a kefe ghi igba eni e miesuo ena eoli iSimirina

⁸ “Keke enana ghi agheni na igbaa oyi eni e mie iJesu iKirisiti suo na eoli iSimirina.†

“Enana e khi ingmemhi eyi oni o ralo ni o gbo kpe ukhokho, ni o ghu-a ni o gbo bhale agbo. ⁹ Mhi lese osoli ali umhamere oyefe, ama a mholi epfue. Mhi lese ungmehi opfueche ni egbo ni e lu egbewe ifu ni ea khi, e ro o pfueche e-a, no khia khi egbo owa ugamhi oyi okphaghi e khi. ¹⁰ A khi na ulishi osoli ni oo bhale na e. A ghe i, okphaghi o ya pfi eghuo lo ogha ighumha ni a mu e fe bino, a ya nase e ogbele igbe. A mu irudunga oyefe mhuere ramhi eghuli, eghenge agho, mhi ya ri arula oghie agbo

* **2:7** Li ze Igbae 2.9; Iro 22.2; Ezik 28.13; 31.8 † **2:8** Li ze Aza 44.6; 48.12; Iro 1.17; 22.13

na e. ¹¹ Oni o ze eso, o ro suo abi Ayemhe o gue e ye igbaa oyi eni e mie iJesu iKirisiti suo nya. Oni o da mu o le ne, eghuli ni uzeva o a ya ramhi oli egbe. ‡

Ebe ni a keke ghi igba eni e miesuo ena eoli iPagamu

¹² “Keke ona ghi agheni na igbaa oyi eni e mie iJesu iKirisiti suo na iPagamu.

“Enana e khi ingmemhi eyi oni o mholi itakobi ozalo-eva ni o lolo e mu. ¹³ Mhi lese ashini a la, ikhi ashini okphaghe o ri ukpekhomhi oyoli shi. Ama a kie mu eva oyemhe mhue. Aa kie irudunga ni a mholi na mhe. Gbo li shi eghegehe oyi Atipasi, ni o khi otsele oyemhe ni o migha shi igesikia, ni a gbe-a shi ifu apfe oye ashini okphaghe o ngeli. ¹⁴ Ama mhi mhue ikuku ingme shi e egbe. A mholi egbo eghuo iteva oye ni e mu osese oyi iBelamu mhue. Loli o sese oghie iBalaki o di egbo iZireni lo olamhe. Eri o gueye we e le eminale ni a ro luase obo na ikhumhi ali e ke ku itsebo. § ¹⁵ Igho a gbo mhue egbo ni e mu osese oyi iNikolaita mhue. ¹⁶ Irarigho, a mupfi. Ini o a khi igho, mhi ya keke bhale ya ri itakobi ni o la mhe unu nu we kholi. ¹⁷ Oni o ze eso o ro suo abi Ayemhe o gueye igbaa oyi eni e mie iJesu iKirisiti suo nya. Onini o da mu o le, mhi ya ri ibulede eghuo ni a ro sheli na li le. Mhi gbo li ya ri echepopfo na li ni a keke eva onogbo shi, ni ogbo okhoghuo o a lese, se ni ogbo ni o mie oni echeli.*

Ebe ni a keke ghi igba eni e miesuo ena eoli iTiatira

‡ **2:11** Li ze Iro 20.14; 21.8 § **2:14** Li ze iNoba 22.5,7; 31.16;
iDeut 23.4; iNoba 25.1-3 * **2:17** Li ze Okiali 16.14-15; 16.33-34;
iJon 6.48-50; Aza 62.2; 65.15

18 “Keke ona ghi aḡeni na igbaa oyi eni e mie iJesu iKirisiti suo na ̣oli iTiatira: Enana e khi ingmemhi eyi Omi Eshineḡba ni o mhue ikpamhi alo ni e ḡe abi eḡemhi erali, ni awe eyoli e li abi ide. 19 Mhi leṣe ikanya eye e, abi a li mholi inono ali irudunga ali abi a li ga egbe e ali iregbemie ni a mholi. A gbolo e riḡe memena doṣe abi a te eke li. 20 Ama mhi mhue ingme onana ni mhi ya gue shi e egbe. A mie oni okpotso iJezebe ogho lama, oni o lu egboli omekeḡuele. Roṣe oseṣe oyoli o te di eni ee ga eyemhe ya lo itsebo, ni e gbolo a le eminale ni a ro luase ikhumhi.† 21 Mhi she ri eḡheḡhe na li ni o ro mupfi lase itsebo eyoli le, ama o a ghole oli. 22 A ghe i, mhi ya ri ughuamhi pfi oli gbe she ukpho osoli, mhi ya pfi eḡbo ni e nu oli kia okia lo osoli, seṣe ni e mupfi lase ode okholo oyoli le. 23 Mhi ya ri eghuli gbe imioli, eḡheḡhe agho eni igbaa nya eyi eni e mie iJesu iKirisiti suo e ya leṣe khi mhemhe khi oni oo bino udu ali isamhi eyi oḡbo. Mhi ya fali e ota abi oḡboḡbo o li gbe.‡

24 “Ama ee ni e kpole shi ̣oli iTiatira ni ea lama mu oseṣe eyi iJezebe mhue, ni aa lama wena owena eyi okphaghiḡe ni ee lu osheli ni e limhi, mhi aa ya khi omheṣe olese nga e ike. 25 A leṣe mu emini a mholi mhue obo egbegbo ya ramhi ni mhi ro ya bhale. 26 Oni o mu o le, ni o ri oghuemhe oyemhe gbe ya ramhi ukpeṣe, mhi ya ri ishishi nali ke mheṣe shi. 27 ‘O ya ri akhuli mhue obo ke mheṣe na we, o ya guoghō we-a abi a lie ma ekhe.’§ 28 O ya mholi afu onabi mhi roṣe obo oyi Itamhe mie. Mhi gbo ri

† 2:20 Li ze 1 Ighie 16.31; 2 Ighie 9.22,30 ‡ 2:23 Li ze Iwolo 7.9; ijere 17.10; Iwolo 62.12 § 2:27 Li ze Iwolo 2.8-9

ukpẹtata anukpesumegie na ẹluzogbe na li.

²⁹ “Oni ọ zẹ esọ, ọ rọ suọ abi Ayẹmḱẹ ọ gueyẹ eni igbaa nya oyi eni e mie iJesu iKirisiti suọ.

3

Ebe ni a kẹkẹ ghi igba eni e miesuọ ena ẹoli iSadisi

¹ “Kẹkẹ ona ghi aḱeni na igbaa oyi eni e mie iJesu iKirisiti suọ na ẹoli iSadisi.

“Enana e khi ingmemhi eyi ọni ọ mu iyẹmḱẹ ishilua eyi Ẹshinẹgba ali ikpẹtata ishilua mhue. Mhi leṣẹ ikanya eyẹẹ. À mhọli eva onete abi ẹzẹzẹ khi a la agbọ, ama eri a ghua. ² A guale ni a zese emini o kpọ ẹ le-a ni ẹ nono ni e ghua. Irari khi mhi mẹ ikanya eyẹẹ khi ẹa gba pfo odalo oyi Ẹshinẹgba oyẹmḱẹ. ³ A ri itobọ ighọ sato emini a she mie ni a suọ, a ri ọli gbe akanya, a mupfi. Ama ini aa da guale, mhi ya bhale abi oghiatọ, aa ya leṣẹ ẹghẹghẹ ni mhi rọ ya bhale na ẹ.* ⁴ Abi o kie li ena, à kie mhue ẹgbọ eghuo ẹoli iSadisi ni ẹa ri ichimhi mu itsua eyẹwẹ. E ya sọ itsua epfopfo nu mhẹ kia, irari khi e tẹ ọ. ⁵ Oni o mu ọ le, ighọ ọ li ya sọ itsua epfopfo. Mhi aa ya shishi eva oyọli ebe ni a kẹkẹ eva oyi eni e ya mhọli agbọ na agbọagbọ shi-a. Ama mhi ya ngme ingme oyọli le khasẹ itamḱẹ ali igeni eyọli.† ⁶ Oni ọ zẹ esọ, ọ rọ suọ emini Ayẹmḱẹ ọ gueyẹ eni igbaa oyi eni e mie iJesu iKirisiti suọ nya.

Ebe ni a kẹkẹ ghi igba eni e miesuọ ena ẹoli iFiladefia

* **3:3** Li zẹ iMat 24.43-44; iLuk 12.39-40; Iro 16.15 † **3:5** Li zẹ Okiali 32.32-33; Iwolo 69.28; Iro 20.12; iMat 10.32; iLuk 12.8

7 “Keke ona ghi ageni na igbaa oyi eni e mie iJesu iKirisiti suo na eoli iFiladefia. Ena e khi ingmemhi eyi oni o pfuase, ni o khi igesikia, ni o mholi okpe oyi iDefidi. Oni o kha khueghie-a, ogbo oa la o ni o dobe ya khukhu, oni o kha khukhu, ogbo oa dobe khueghie-a.‡ 8 Mhi lese ikanya eye e. A ghe i, mhi she khueghie ode-a shi eke na e, ni ogbo oa dobe ya khukhu. Mhi lese khi ukuku itoto a mholi, abotseku khi igho, a kie ri ungmemhi oyemhe e gbe akanya, aa tigbe kie eva oyemhe. 9 A ghe i, mhi ya ri eni e la owa ugamhi oyi okphaghiye ni e lu egbewe iJu ni o khia khi egbholi e lo, bhale ya nyese ukhomhi shi e ufuege ni e lese khi mhi nono ingme oye. § 10 Irari khi a ri omhese oyemhe gbe akanya ni o gueye e a ri irabomudu ri egbe mie, mhi ya rue e imufe le, ni oo bhale eke agbo nya. Imufe ni o ya mu egbo na agbo nya fe bino. 11 Mhi ya keke bhale. Mu emini u mholi mhue toto, ini ogbokhoghuo o khi mie e arula oghie oye. 12 Oni o da mu o le ne, mhi ya roli khi oche elemhi Owa ugamhi oyi Eshinegba oyemhe. Oa ya tigbe rote agho vu. Mhi ya keke eva oyi Eshinegba oyemhe shi oli egbe, li shi eva oyi eoli oyi Eshinegba oyemhe ni o khi iJerusalemu onogbo, ni o rote Eghiele oyi Eshinegba oyemhe e tiemhile ali eva onogbo oyemhe.* 13 Oni o ze eso, o suo emini Ayemhe o gue e ye eni igbaa oyi eni e mie iJesu iKirisiti suo nya.

Ebe ni a keke ghi igba eni e miesuo ena eoli iLaodisha

‡ 3:7 Li ze Aza 22.22; iJobu 12.14 § 3:9 Li ze Aza 49.23; 60.14;
43.4 * 3:12 Li ze Iro 21.2; Aza 62.2; 65.15

14 “Keke ona li ghi agheni na igbaa oyi eni e mie iJesu iKirisiti suo na ɛoli iLaodisha. Enana e khi ingmemhi eyi Atse, ni ɔ khi ɔtselɛ ɔni ɔ zɛ ri egbe ɛ nga, ni ɔ khi igɛsikia, ɔni ɔ mhɛsɛ ɛ na emini Eshinɛgba ɔ ma nya.† 15 Mhi lɛsɛ ikanya eyɛ ɛ khi, aa mhue utomhi wɛkhi eri a pfo. O kha ti ini a khi oghuo ɔ lo. 16 Irarigho, itobo khi a rimhɛ, ni aa ro to wɛkhi eri a pfo, mhi ya rote unu oyemhɛ to ɛ pfi. 17 Irari khi a liɛ, ‘Mhi pfue, mhi she ti ɛpfue ma, mhi aa ke mhue emini o to mhɛ.’ Ama aa lɛsɛ khi ɛgbo eyemhɛ a khi, eni a viɛ osoli ɛ na, ena umhame, ni e khi ezalo ali ebanɔa. 18 Irarigho, mhia ye ɛ ude ni a nu mhɛ dɛ ɛlomho ni a ri erali nye-a ini a mele eni e pfue-a, ni a mholi itsua epfopfo ni aa so, ni a ro khukhu irumheba omama eyɛ ɛ. Ni mhi ri ogugu na ɛ vi shi alo ni a ke mɛ eke. 19 Egbɔ ni mhi nono ingme oyewɛ, mhi ya dese, mhi gbo sheshe wɛ shi oɔɛ, irarigho a mhue omuegbe ni a mu nyenɛ.‡ 20 A ghe i! Mhi migha oɔɛ mhia kpheli obɔ ɔ, ini ogbokhoghuo ɔ suo uruli oyemhɛ ni ɔ ro khueghie-a na mhɛ, mhi ya lo le, mhi nu ɔli le, ɔ nu mhɛ le. 21 ɔni ɔ mu ɔ le, mhi ya lama na li ni ɔ nu mhɛ shitɔ ukpekhomhi oghie oyemhɛ, ɛzɛzɛ abi mhɛmhɛ mhi li mu ɔ le ni mhi nu Itamhɛ shitɔ ukpekhomhi oghie oyoli. 22 ɔni ɔ zɛ esɔ, ɔ ro suo emini Ayemhɛ o gueye eni igbaa nya eyi eni e mie iJesu iKirisiti suo.”

4

Ugamhi na iloghie

† 3:14 Li zɛ Ekpi 8.22 ‡ 3:19 Li zɛ Ekpi 3.12; Iburu 12.6

¹ Abi mhi ro me ena dose se, mhi ke gbo me imeke olese. Mhi me khi ode o khueghie-a shi iloghie, mhi suo khi uruli ni o kpe nu me mhe ngme abi akala. Oo mhe, “Bhale odane ana, khi mhi ya re khase emini a ya me ini ena e dose se.” ² Utoghuo kpe mhi la elemhi Ayemhe, mhi me odalo oyemhe khi ukpekhomhi o migha iloghie, khi ogbo o shito nga o. ³ Oni o shito o, o li abi eche ni oo ge ni a lu ijasipa ali ikaneliani. Ogaji ni o li abi eche ughegbe ni a lu emeradi o vi gasa oni ukpekhomhi.* ⁴ Ikpekhomhi uye ali ene elese e la gasa oni ukpekhomhi. Egbhali uye ogbo ali aane e shito oni ikpekhomhi. E so itsua epfopfo, e rughu irula oghie igolu shi ukhomhi. ⁵ Rote oni ukpekhomhi oghie, inyamhisalo ameh ali ingmolo oyi akphala e te o o lasele. Rote oni ukpekhomhi oghie ikpa ishilua e lala ni e khi Ayemhe ishilua eyi Eshinegba.† ⁶ Ali khi oni ukpekhomhi khi emini o li abi oko ighegbe oniemhi o la odalo oli ni o pfuase ni a te e me eke gboo.

Elamhako aane ni e mhue ayemhe ni e ze alo gasa egbe odalo ali ukhokho, e le gasa oni ukpekhomhi oghie roli shi iteva. ⁷ Emini o mhue ayemhe onodode o li abi idu, onuzava o li abi ena, onuzase o ze alo abi ogbo, onuzi-aane o li abi akpa odogbe ni oo fiala.‡ ⁸ Eni elamhako aane ena e mholi ipfua esesa esesa, e mholi ikpamhi alo gasa idiegbe, li ghe elemhi ipfua eyewe, Ele oguota ali ele iyose ea tigbe e yemhe-a, eri e lese lie,
“Ipfuase, ipfuase, ipfuase

* **4:3** Li ze Ezik 1.26-28; 10.1 † **4:5** Li ze Okiali 19.16; Iro 8.5; 11.19; 16.18; Ezik 1.13; Iro 1.4; iZaka 4.2 ‡ **4:7** Li ze Ezik 1.22,5-10; 10.14

khi Eshinegba Onomhue
 Nofune nya,
 Oni o khi loli,
 ni o kie kpe khi loli,
 ali ni o ya bhale.”§

⁹ Ini eni elamhako aane egbo e da ri ufumhi ali ekpe ali ikpemehi na oni o shito oni ukpekhomhi oghie ne, ni o lao a le ele na agboagbo, ¹⁰ eni egbhali uye ogbo ali aane egbo, e de ya yeshi na oni o shito oni ukpekhomhi, e ri kpehi na oni lao a le ele na agboagbo. E gueghie irula eghie eyewe shi eke odalo oni ukpekhomhi oghie, ee lie.

¹¹ “U teo Onomhue ali
 Eshinegba oyanye,
 Ni o mie ufumhi
 ali ekpe ali ekpabo,
 Irari khi yeye u ma emhikpa.
 Oghumehe oye u ro ma we,
 loli e gbo ro lao abi a li ma we.”

5

Ebe ali Omi Osumha

¹ Mhi ke gbo me oni o shito oni ukpekhomhi oghie khi o mu ebe ni a keke emhi shi odalo oli ali ukhokho oli mhue obita. A ri erueli rote asha ishilua to oli ma.* ² Mhi me ageni ni o fune ni o tseşe ngme leghe oo lie, “Oghuo o ya dobe maghie eni erueli oni ebe-a?” ³ Ama ogbokhoghuo oa la iloghie, wekhi eke agbo, wekhi ikpoke na agbo, ni o dobe khueghie oni ebe-a, ukneta khi eri o dobe ya bino elemhi oni ebe. ⁴ Mhi vie egbegbo irari khi aa

§ **4:8** Li ze Ezik 1.18; 10.12; Aza 6.2-3 * **5:1** Li ze Ezik 2.9-10; Aza 29.11

mẹ ọgbọ ni ọ tẹ ọ ya khueghie oni ebe-a wẹkhi ni ọ bino elemhi ọli. ⁵ Ọtuoghwo eni egbhali egho ọọ mhe, “Khi ke vie! Ghe khe, Odumhi na unuekpe oyi iJuda, Omiomi iDefidi ọ she mu ọ le. Ọ dobe ya khueghie oni ebe-a ali erueli ishilua eyoli.”†

⁶ Igho mhi mẹ khi Omi Osumha khi ọ migha odalo oyi oni ukpekhomhi oghie ni elamhako aane egho, ali eni egbhali e gasẹ. Ọ li abine khi a she kpe gbe ọli-a. Ọ ze ekphali ishilua ali ikpamhi alo ishilua ni e khi Ayemhe ishilua eyi Eshinegba ni ọ she ghie je eke agbo nya.‡ ⁷ Oni omi osumha ọ le ya rue oni ebe obita oyi oni ọ shitọ oni ukpekhomhi oghie. ⁸ Abi ọ ro rue oni ebe se, eni elamhako aane egho ali egbhali uye ọgbọ ali aane, e de yeshi odalo oyi oni Omi osumha. Wewe nya ọgbogbo ọ mu efa mhọli obọ ali itasa igolu ni ituale afu era ni a tose e vo, ni e khi iromhi ni eni Eshinegba ọ she pfa na e so. § ⁹ E to uwolo onogbo, e lie,

“U te oni ọ rue oni ebe,
 u gbo te oni ọ ya maghie
 erueli ni a ro ma ọ-a,
 Irari khi a gbe-a,
 U ri ọlia eye de egbọ
 na Eshinegba,
 egbọ ni e rote agbo nya bhale
 rote unuekpe nya ali
 emuẹ ododa ali egbọ ododa nya.*

¹⁰ U rewe mele ighie
 ali ekpodalo-ugamhi ni e ga
 Eshinegba oyawa-a.

† **5:5** Li ze Igbae 49.9; Aza 11.1,10 ‡ **5:6** Li ze Aza 53.7; iZaka 4.10 § **5:8** Li ze Iwolo 141.2 * **5:9** Li ze Iwolo 33.3; 98.1; Aza 42.10

E ya la agbo ke mhesẹ.”†

¹¹ Mhi bino mhi suo iruli eyi igeni ebubu ni e ramhi igbele ali idududu. E le gase oni ukpekhomhi oghie ali elamhako egho ali eni egbhali.‡ ¹² E ri ukpokpomhi uruli i to uwolo, e lie,

“Oni o teo Omi osumha
ni a gbe-a o khi,
ni o mie ekpabo ali epfue
ali ilasingme ali itoto,
ali ekpe ali ufumhi
ali ikueghie!”

¹³ Mhi tigbe suo khi emhikpa ni a ma na iloghie ali eke agbo ali ikpoke na agbo ali ena oke oniemhi ali emini e lao elemhi o ni nya khi e to uwolo, ee lie,
“Oni o shito oni ukpekhomhi

ali Omi osumha,
Ikuighie ali ekpe
ali ufumhi ali ekpabo,
e khi eyee, rote
agboagbo ya je agboagbo!”

¹⁴ Eni elamhako aane egho e li, “Atse,” eni egbhali egho, e de yeshi, e ga li.

6

Eni erueli

¹ Mhi tokpe bino abi oni Omi Osumha o ro maghie erueli onodode elemhi eni erueli ishilua-a. Mhi suo khi oghuo eni elamhako egho o ngme abi uruli akphala, oo li, “Bhale!” ² Mhi bino, ghe achi opfopfo odalo oyemhe khe! Omose ni o nga li o mu usheli mhue, a ri arula oghie na li, o nga oni achi

† 5:10 Li ze Okiali 19.6; Iro 1.6 ‡ 5:11 Li ze iDan 7.10

ya fię abi okhōli-okhue ni o khōli mu o le ni o gbo vu
ya khōli mu o le.*

³ Abi oni Omi Osumha o ro maghie erueli onuzi-
eva-a, mhi suo khi elamhako onuzava o ngme, oo li,
“Bhale!” ⁴ Mhi me khi achi olese ni oo yile nyogho o
fię lasele. A ri afu na oni o nga li ni o ro rue opfomhe
eke agbo-a, ni o ro ri egbo ke gbolo egbe we-a. A ri
ogbhoro oniemhi na li.†

⁵ Abi oni Omi Osumha o ro maghie erueli onuzi-
ese-a, mhi suo khi elamhako onuzi-aase o ngme, oo
li, “Bhale!” Mhi bino, ghe achi obishi odalo oyemhe
khe! Oni o nga li o mu emini a ro o mhesę ukhomhi
oyi emhi.‡ ⁶ Mhi suo khi emini o li abi uruli o la
elemhi ifuabo oyi eni elamhako aane egho ngme,
oo lie, “Ifata ogbeleghuo a ri ago oghuo oyi ado
e de, idiakpala ese oyi okpa, o li migha shi ifata
ogbeleghuo. Khi yese oili olivu-a ali onyo!”

⁷ Abi oni Omi Osumha o ro maghie erueli onuzi-
ene-a, mhi suo khi uruli oyi elamhako onuzi-aane oo
li, “Bhale!” ⁸ Igho mhi me achi ni o li abi oni o ya
ghu-a. Oni o nga li a lui Eghuli, ali eghiele ilimhi
oo deba li udidi, a ri afu na we ni e ro ri ogbhoro ali
okiamhi ali ighuamhi ali elamhako okhena gbolo
egbo iku akemhishi asha ene egbo na eke agbo-a.§

⁹ Abi oni Omi Osumha o ro maghie erueli onuzi-
ishe-a, mhi me iyemhe eyi egbo na gbolo-a irari
ungmemhi oyi Eshinegba ali otsela ni e mu mhue
ufui oni atete. ¹⁰ Ee vie leghe, e lie, “Onomhue ni o
khi ona ipfuase ali igesikia, eghęghę onoghuo u ro
ya gue egbo na agbo ezọ, ni u ro ya ye okhue o lia

* **6:2** Li ze iZaka 1.8; 6.3,6 † **6:4** Li ze iZaka 1.8; 6.2 ‡ **6:5** Li
ze iZaka 6.2,6 § **6:8** Li ze Ezik 14.21

eyi anye obọ oyewe na anye?” ¹¹ Eghẹghẹ aghọ, a ri itsua epfopfo na we. A gueye we e migha ne ukuku o, ramhi eghẹghẹ ni eni eẹ ga nabi wewe etuangme ni a nono ni a li gbolo-a e ro ya gba. Ezeze abi a li gbolo wewe-a.

¹² Mhi bino abi o li khueghie erueli onuzi-esesa-a. Ukpokpomhi eke o kule. Owo o bishi-a abi ode abuma ni a ri iriria elamhi do. Uki nya o yile-a abi oia.* ¹³ Ikpetata na idane e deno kule eke abi ikpamhi okhua-eni ni ea yile ne e lie de kule ini akpekpele ni o ze o jighise we. ¹⁴ Irarogbe o khili ode-a abi a lie khili ighẹle eke-a. Ite nya ali eke ni e la iteva oke, a rue we ashini e la le.†‡

¹⁵ Eghẹghẹ aghọ, ighie na eke agbo ali ekhemhue ali idenomo okholi ali eni e mholi epfue ali eni e mholi ekpabo ali ogbokpa ali ighumha ali eni ea khi ighumha, e na ya sheli ifui irui ali eche na ite.§

¹⁶ Ee vie lu ite ali eche eniemhi, e lie we, “A de mu anye ni a ri anye sheli eloe oyi oni o shito oni ukpekhomhi oghie ali ofu oyi oni Omi Osumha!”

¹⁷ Irari khi ogbele ofu oniemhi oyi Eshinegba o she ramhi ni o ro ya tiemhile shi we o, oghuo o dobe ya migha?”†

7

Egbo agbele egbhueshilua ali ene (144,000) ni a shi olele

* **6:12** Li ze Iro 11.13; 16.18; Aza 13.10; iJo 2.10,31; 3.15; iMat 24.29; iMak 13.24-25; iLuk 21.25 † **6:14** Li ze Iro 16.20 ‡ **6:14** Li ze Aza 34.4 § **6:15** Li ze Aza 2.19,21 * **6:16** Li ze Osia 10.8; iLuk 23.30 † **6:17** Li ze iJo 2.11; iMala 3.2

¹ Ona o dọse se, mhi ke gbo me khi igeni aane e migha iguabo enenene na eke agbo. E mu akpekpeli enenene na iguabo eke agbo gba ini akpekpeli o khi ke li eke agbo, wee ukhomhi oke oniemi wee era.* ² Igho mhi ke me ageni olese khi o rote obini ovo o te e ngale lasese, o tsua akhuli ni a ro o shi emhi olole oyi Eshinegba ni o la agbo. O ri uruli na leghe lu eni igeni aane egho ni a ri ekpabo na ni e ro yese eke ali oke oniemi-a. ³ Oo we, "A khi yese eke-a wee oke oniemi wee era, se khi awa shi olole shi eni ee ga eyi Eshinegba alukpo se."† ⁴ Igho mhi suo khi eni a rote elemhi edeli eyi iZireni nya shi olole, e ya khi egbo agbele egbhueshilua ali ene (144,000).

⁵ A rote unuekppe oyi iJuda,
shi olole shi egbo
agbele igbeva egbe (12,000).
A rote unuekppe oyi iRubeni,
shi olole shi egbo
agbele igbeva egbe (12,000).
A rote unuekppe oyi iGadi,
shi olole shi egbo
agbele igbeva egbe (12,000).

⁶ A rote unuekppe oyi Asha,
shi olole shi egbo
agbele igbeva egbe (12,000).
A rote unuekppe oyi iNafutali,
shi olole shi egbo
agbele igbeva egbe (12,000).
A rote unuekppe oyi iManase,
shi olole shi egbo

* **7:1** Li ze ijere 49.36; iDan 7.2; iZaka 6.5 † **7:3** Li ze Ezik 9.4,6

agbele igbeva egbe (12,000).

⁷ A rote unuekpe oyi iSamọ,
shi olee shi egbo

agbele igbeva egbe (12,000).

A rote unuekpe oyi iLiva,
shi olee shi egbo

agbele igbeva egbe (12,000).

A rote unuekpe oyi iSaka,
shi olee shi egbo

agbele igbeva egbe (12,000).

⁸ A rote unuekpe oyi iZebulo,
shi olee shi egbo

agbele igbeva egbe (12,000).

A rote unuekpe oyi iJosefu,
shi olee shi egbo

agbele igbeva egbe (12,000).

A rote unuekpe oyi iBejami,
shi olee shi egbo

agbele igbeva egbe (12,000.)

⁹ Ona o dose se, mhi bino, ghe ebubu egbo ni
ogbokhoghuo o do be ya leli khe! Ishishi khi ishishi
ali unuekpe nya ali egbo ali emue ododa e te bhale.
Igho e migha odalo oyi oni ukpekhomhi oghie, e
migha odalo oyi oni Omi Osumha, e sono itsua
epfopfo, e muno eyamhi mholi abo. ¹⁰ E tse se
leghe, e lie.

“Eshinegba oni o shito

oni ukpekhomhi oghie,

O mholi ekpabo

ni o ro mie egbo eyoli pfuese,

igho li khi oni Omi Osumha.”

¹¹ Igeni nya e migha gase oni ukpekhomhi oghie,
ali eni egbhali ali elamhako aane e de ta alo mu

ekẹ odalo oni ukpẹkhomhi oghie e ga Ẹshinẹgba. ¹² E
liẹ,

“Atse!

 Ikuẹghie ali ufumhi,
ali ẹgbhe ali
 ikphẹmhi ali ekpe,
ali ekpabọ ali itoto,
 e khi eyi Ẹshinẹgba oyawa,
ẹlẹ na agbọagbọ.

Atse!”

¹³ Ighọ ogbhali oghuo elemhi wẹ ọ nu mhe ngme
ọ mhe, “Eghuo eghọ e khi ni e sọno itsua epfopfo?
U lẹse obini e tẹ bhale?”

¹⁴ Mhie ọli, “Ọga, yeye u ya lẹse.”‡

Ọọ mhe, “Ena e khi eni e pfue oni ukpokpomhi
ajilimhe, e she pfue itsua eyewe-a, e ri ọlia eyi ọni
Omi Osumha rewe pfuase. ¹⁵ Irarighọ,

“E ro migha odalo
ukpẹkhomhi oghie
oyi Ẹshinẹgba.

 Ni e la
elemhi Owa oyi Ẹshinẹgba oyọli
 ke ga li ẹlẹ ọguota ali ẹliyose.

Ọni ọ shitọ oni
ukpẹkhomhi oghie oyọli,
ọ ya ri okholo oyọli
 khukhu wẹ.

¹⁶ Okiamhi ọa ke
 gbo ya gbe wẹ ghue,
 wekhi okiamẹ o ke ya gbe wẹ ghue.

A ya khukhu wẹ ovọ erere,

‡ 7:14 Li zẹ iDan 12.1; iMat 24.21; iMak 13.19

ọa kẹ tose ọ ghue. §
 17 Irari khi ọni Omi Osumha
 ni ọ migha odalo oni
 ukpekhomhi oghie,
 ọ ya ri ẹloe ke khu ọ.
 O rewe je oke amẹ
 ni o ri agbo a na ọgbọ.
 Eshinegba ọ ya shishi ọ amevie alo-a.”*

8

Erueli onuzi-ishilua

1 Abi ọni Omi Osumha ọ ro maghie eruẹ onuzi-
 ishilua-a, iloghie o kekeke elemhi iminiti uye ali
 igbe.

2 Igho mhi me igeni oshilua ni ee migha odalo oyi
 Eshinegba, khi a ri ikala ishilua na ọ.

3 Ageni olese ọ bhale ya migha atete. O tsua ilolo
 oyi elomho. A ri afu ituale ne e bu na li ni ọ ya tose,
 gbo li shi iromhi ni eni Eshinegba ọ she pfa na e so.
 O la oni atete elomho ni o la oni eghiele tose ọ.*

4 Ewoli eyi oni ituale afu eera ni aa tose ali iromhi
 eyi eni Eshinegba ọ she pfa na, e rote obọ oyi ọni
 ageni nga idane deba Eshinegba. 5 Igho ọni ageni ọ
 rue oni ilolo, ọ ọ ọ erali ni e la ukhomhi oni atete
 vọ ọ. O pfi ọli tiemhi eke agbo, igho ikphala e de,
 ali ingmolo, ali inyamhise alo amẹ, ali eke ikulue.†

Eni ikala

§ 7:16 Li ze Aza 49.10 * 7:17 Li ze Iwolo 23.1; Ezik 34.23; Iwolo
 23.2; Aza 49.10; 25.8 * 8:3 Li ze Emo 9.1; Okiali 30.1,3 † 8:5 Li
 ze iLev 16.12; Ezik 10.2; Okiali 19.16; Iro 11.19; 16.18

⁶ Mena, igeni oshilua ni e mhọli ikala ishilua e mu egbe ni e rọ pfi wẹ.

⁷ Ageni ọnodode ọ pfi akala oyọli, eche amẹ ali erali e kuma ọlia wushe kugbe, e de ku shi ekekhe. Ukiekie opfoghwo akemhishi esẹ oyi eke agbọ, o toa. Asheghwo akhemhi shi esẹ oyi ẹera nya e toa, ebuli nya e toa.‡

⁸ Ageni ọnuzi ava o pfi akala oyọli, emini o li abi ute o lala, a pfi ọli lo oke oniemi. Ukiekie oghwo ini a kemhi oni oke oniemi shi asha esẹ o mele ọlia-
⁹ asheghwo akemhi shi esẹ elamhako ni e laọ e ghulua, asheghwo akemhishi esẹ oko-oke eniemi ni e la oni oke e tseke-a.

¹⁰ Ageni ọnuzase ọ pfi akala oyọli, ukpokpomhi ukpetata ni o lala abi ugbili, o rọte idane pfa, o de ya shi asheghwo akemhi oke nya shi asha-esẹ ali inu wẹ ni oke e te e chọchọ. § ¹¹ Eva oyi oni ukpetata a lu Oyala. Asheghwo akemhi-shi esẹ amẹ eyi oke nya ni o de pfilo egho e yala, ebubu ẹgbọ e ghulua irari khi eni amẹ oke e yala.*

¹² Ageni ọnuzi-aane o pfi akala oyọli, a gbe emhi shi asheghwo akhi ovo-a shi asha esẹ, ali akhi uki-a shi asha esẹ, ali akhi ikpetata-a shi asha esẹ. Eni asha esesese ena e bishi-a. A khi ogbe-a shi asha esẹ, o bi obili-a, igho a li li khi eliyose-a shi asha esẹ, akpá ọa ge.†

¹³ Abi mhi li bino egho, mhi suọ khi akpā odegbe ni ọ la irarogbe fiala, ọ viẹ, ọ liẹ, “Epfua, Epfua! Epfua o khi na eni e la eke agbọ itobọ ikala ni igeni aase enekpole e ya pfi.”

‡ **8:7** Li zẹ Okiali 9.23-25; Ezik 38.22 § **8:10** Li zẹ Aza 14.12

* **8:11** Li zẹ ijere 9.15 † **8:12** Li zẹ Aza 13.10; Ezik 32.7; ijọe 2.10,31; 3.15

9

¹ Aḡeni ọnuzi-oshe ọ pfi akala oyọli. Mhi me ukpetata ni o rote idane de tiemhile ekekhe. A ri okpe oyi ode oyi ilimhi na ningolo na li. ² Abi ọ ro khueghie ode oyi oni ilimhi na ningolo-a, ewoli e rote ọ lasele abi ewoli ni e rote avuerẹ lasele. Owo ali irarogbe e bishi-a irari eni ewoli ni e rote oni ilimhi na ningolo lasele.* ³ Initso e rote eni ewoli ve e kule eke agbo, a ri afu na we ni e ro mhue ekpabo nabi eyi izage.† ⁴ A gueye we e khi ri unu ti ebuli ali emhi ekomhi okhoghwo wekhi ọora na eke agbo, ama e ke nase egbo ni ẹa mholi ọlele oyi Eshinegba shi alukpo oyewe.‡ ⁵ Aa lie we e gbolo eni egbo ena-a, ama ni e ro nase we iki ishe. Utomhi ni e to we, eri e li abi utomhi oyi okpi ini ọ ta ogbo. ⁶ Eghẹghẹ ni a ngme ena, egbo e ya ke nono eghuli ama ẹa ya me, o ya ghole we ni e ghu-a ama eghuli o ya me we na. §

⁷ Eni initso e li abi ichi ni a mu egbe shi okhọli. E rughu emini o li abi arula oghie igolu shi ukhomhi, alo eyewe e li abi alo egbo.* ⁸ Itsu eyewe e li abi itsu eyi ikpotso, akọ eyewe e li abi akọ idumhi.† ⁹ E ze ipfiapfia shi egbe abi awulu akhuli ni okhọli-okhue ọ ro a mu aye. Okeke ni ipfua eyewe e kpe, e li abi okeke oyi ichi ikhuli ni e lo bu ni e na le okhue.‡ ¹⁰ E ze ighia ali eka, ee ta abi ikpi, e mholi ekpabo shi eni ighia ni e ro na egbo osoli iki ishe. ¹¹ E mholi oghie oyewe ni ọ khi aḡeni oyi ilimhi na ningolo. Abi a lu eva oyọli o khi Abadoni a lu ọli

* **9:2** Li ze Igbae 19.28 † **9:3** Li ze Okiali 10.12-15 ‡ **9:4** Li ze

Ezik 9.4 § **9:6** Li ze iJobu 3.21; ijere 8.3 * **9:7** Li ze ijoe 2.4

† **9:8** Li ze ijoe 1.6 ‡ **9:9** Li ze ijoe 2.5

ẹlẹmhi Iburu. Ama Apoliṣi a lu ọlẹ ẹlẹmhi iGiriki. (Oni ọ Yese-a a ri ona ngme.)

¹² Epfua onodode ó she dọse, ama epfua eva elese ẹa bhale ne.

Akala onuzi-esesa

¹³ Agẹni Ọnuzi-osasa ọ pfi akala oyọlẹ, mhi suọ khi uruli o rọte igo ene oyí atẹte igolu ni o kpo eke le ni o la odalo oyi Eshinegba ngme lasele. § ¹⁴ Ọ gueye ọni agẹni Ọnuzi-osasa ọgho ọọ li, “Taghiẹ igẹni aane ni a gẹ shi epfe oke oniẹmhi na lu iYufiretisi-a.”

¹⁵ Igho a li rue eni igẹni aane egho obọ-a, ni a she gẹ shi agho, ro kẹ oni eghẹghẹ ona, ali ogbele ali uki ona, ali ukpe ona, ni e ya gbolo egbọ igbekhi ese na eke agbo ona-a. ¹⁶ Ekholi-okhue etuangme ni a ro shi eke e kẹ okholi e bu ramhi udududu asha egbhuegbe, 200,000,000. Mhi suọ etuangme ni a lu we.

¹⁷ Abi eni ichi ali eni e nga we e li na, abi mhi me we elemhi imealo oyemhe. Iwulu ikhuli ni ekholi-okhue e ro ọ mu aye eyewe, ee yile nyogho abi erali, e li abi egholi ibulu na koli, o mholi oyile abi ofu. Ikhomhi eyi eni ichi e li abi ikhomhi idumhi, erali, ewoli ali ofulu e rọte we unu lasele. ¹⁸ Igbekhi asha ese egbọ nya, eni erali ali ewoli ali ofulu ni e rọte we unu lasele e gbolo-a. ¹⁹ Ekpabo eyi eni ichi e la we unu ali ighia. Irari khi eri ighia eyewe e li abi enye, e ze ikhomhi ni e ro kuale egbọ utse.

²⁰ Egbọ ni e kpole shi agbo ni oni opfuse ọa gbolo-a, ẹa kie mu pfi lase ikanya abo eyewe le. Ẹa lase ekphaghie igaga le, li shi ugamhi eyi ikhumhi ni a ri igolu ali elomho ali ide ali ẹera khali. Ikhumhi ni

ẹa ya mẹ eḱẹ wẹkhi eri ẹẹ suọ esọ, wẹkhi eri e doḅẹ ẹ kia.* ²¹ Wẹkhi eri e lama mu pfi lase ugbeli le, ali imhẹsẹ imumu ali itṣẹḅọ ilili ali ighiatọ idodo.

10

Ọni aḡeni ali ebe nikeke

¹ Ighọ mhi mẹ aḡeni nọfunẹ ọlese, khi ọ rọte idane e tiemhile, ọ ri otughunu khukhu egbe, ogaji o vi gase ọli ukhomhi, alo eyọli e li abi ovo, awẹ eyọli e li abi ọche erali. ² Ọ mhọli ukuku ebe mhọli oḅọ ni o khueghie-a shi eḱẹ. Ọ gbọsẹ owẹ obita oyọli shi elemhi okẹ oniẹmhi, ọ ri owẹ ogobo nga eḱẹ. ³ Ọ ri ukpokpomhi uruli pfi lasele leghe abi odumhi ọọ khoshe. Abi ọ rọ pfi, uruli ikphala ishilua e ngme. ⁴ Abi eni ikphala ishilua e rọ ngme se, mhi nono ni mhi keḱẹ shi ebe, ama mhi suọ khi uruli ọ rọte idane liẹ, “Ri emini eni ikphala ishilua eghọ e ngme sheli, khi keḱẹ wẹ shi eḱẹ.”

⁵ Ighọ ọni aḡeni ni mhi mẹ ni ọ migha okẹ oniẹmhi ali eḱẹkhe eghọ, ọ yase obita oyọli nga ukhui. ⁶ Ọ ri eva oyi Eshinegba ni ọ laọ le ẹẹ na agḅoagḅo romhi ishe. Ọni ọ ma ukhui ali emhikpa ni e laọ, ali eḱẹ ali emhikpa ni e la ọ ali okẹ oniẹmhi ali emhikpa ni e laọ. Ọọ, “Emhi enana ẹa ke ya tẹsẹ ni e rọ bhale ya tse. ⁷ Ama khi ogbeḅẹ ni aḡeni ọnuzi-oshilua ọ da ya pfi akala oyọli, Eshinegba ọ ya khueghie osheli oyọli-a ni ọ gba abi ọ li gue ọli yẹ eni ẹẹ ga ni e khi emeḱeguele eyọli.”*

⁸ Ighọ uruli ni mhi rọte iloghie suọ eghọ o gbo nu mhẹ ngme, ọọ mhẹ, “Lẹ ya mie aḡeni ni ọ migha

* **9:20** Li zẹ Iwolo 115.4-7; 135.15-17; iDan 5.23
Okiali 20.11; iDeut 32.40; iDan 12.7; Emo 3.7

* **10:7** Li zẹ

oke oniemi ali ekekhe ighele ebe ni o khueghie-a, ni o la li obo.”

⁹ Igho mhi le deba oni ageni mhiye o ri oni ebe nikeke ogho na mhe. Oo mhe, “Mo oli le. O ya yese e elemhi-a, ama o ya violo e unu abi iwọ.” ¹⁰ Mhi mie oni ageni oni ebe nikeke obo, mhi roli le. O violo mhe unu abi iwọ, ama abi mhi ro roli le se, oo yala mhe elemhi.† ¹¹ Igho a gueye mhe, “U mema ya mekeguele shi ebubu unuekpe, ali egbo ali emue ododa ali ighie egbe.”

11

Eni otsela aava

¹ Igho a ri ufulo ni o li abi ukpokpo ni a ro o mhesa emhi na mhe, a gueye mhe, “Le ya mhesa Owa Ugamhi oyi Eshinagba ali atete ali eni e ga ugamhi akaghọ.* ² Khi mhesa atukpapfe oniemi oyoli, khi mhesa oli irari khi a she roli na ijeta. Wewe e ya lighi oni eoli no pfuasa eke-a elemhi iki egbhueva ali eva (42.)† ³ Mhi ya ri afu na otsela aava eyemhe. E ya meke guele elemhi ogbele agbele ali egbhuegbese (1,260.) E so ide ibuma.” ⁴ Otsela aava ena e khi era olivu eva ali emhi eva ni a ri akpa ru e nga ni e migha odalo oyi Onomhue ni o mhue eke agbo.‡ ⁵ Ini ogbokhoghuo oo dua ni loli kwale we utse, erali e rote we unu fie ya tose eni ebe we-a. Ina ebe we ni e nono ni e kwale we utse e mema li ya ghua. ⁶ E mholi afu ni e ro pfi okpe ukhui ini amẹ o khi rue eghenge ni e ro da me guele ne. E gbo mholi afu ni e ro mu amẹ oke

† 10:10 Li ze Ezik 2.8-3.3

* 11:1 Li ze Ezik 40.3; iZaka 2.1-2

† 11:2 Li ze iLuk 21.24

‡ 11:4 Li ze iZaka 4.3,11-14

mele oḷia-a. E gbo ku ighuamhi khi ighuamhi she eke abi o li ghole we shi. §

⁷ Ini e da pfi o oṣele se ne, inyagbemhi ni o ya roṣe ilimhi na ningolo lasela o ya tsua mu we, o mu we o le, o gbolo we-a.* ⁸ Ilimhi eyewe e ya de yeshi ifui eoli ni o fune ashini a la gbe Onomhue oyewe-a shi apfida. Irokhokho iSodomu ali ijipiti eoli ona o khi.† ⁹ Ogbele ese ali ukhukui, egbo na agbo nya ali edeli ali emue ali ushishi e ya ke nise uruli bino ilimhi eyewe, ealama rewe to. ¹⁰ Egbo na eke agbo e ya ke ghele shi eghuli ni e ghu, ee bola, e de isomhopfa a ghi egbewe, irari khi emekeguele aava egbo, e she nase egbo ni e la eke agbo khue.

¹¹ Ama abi ele ese ali ukhukhui e ro dose, Ayemhe oyi Eshinēgba ni mholi agbo o lo we egbe, e vule migha. Ulishi oniemhi o lo egbo ni e me we egbe.‡ ¹² Igho e suo uruli na leghe o roṣe idane ngme. Oo we, “Ngale odane oola.” Igho e li nga idane elemhi otughunu. Ebe we e lese fe kpee. §

¹³ Oni eghēghē a me ukpokpomhi inighise eke ni o ku eke asheghuo akemhishi igbe oyi oni eoli lue. Egbo agbele oshilua, 7,000, e ghulua, ulishi o mu egbo ni e kpole, e kuēghie Eshinēgba ni o la iloghie.

¹⁴ Opfuse onuzi-eva o she dose, opfuse onuzi-ese o kele ya bhale.

Akala onuzi-ishilua

¹⁵ Igho ageṇi onuzi-oshilua o pfi akala oyoli, igbo ikpokpo iruli e la idane ngme. Ee lie, “Eghiele agbo o she mele

§ **11:6** Li ze 1 Ighie 17.1; Okiali 7.17-19; 1 iSam 4.8 * **11:7** Li ze iDan 7.7,21; Iro 13.5-7; 17.8 † **11:8** Li ze Aza 1.9-10 ‡ **11:11** Li ze Ezik 37.10 § **11:12** Li ze 2 Ighie 2.11

eghiele oyi Onomhue oyawa-a,
ali onayi iKirisiti oyoli-a.

O ya mhesẹ ke le agboagbo.”*

¹⁶ Egbhali uye ali aane ni e shito ukpekhomhi
oyewe odalo Eshinegba, e de ya ta alo mu eke ga
Eshinegba. ¹⁷ Ee lie,

“Anye ri ikphemhi ne,
Eshinegba Onomhue Nofune nya,
Oni o khi loli, oni o kpe khi loli,
irari khi u she rue
ekpabo eniemhi eye,
u she e mhesẹ.

¹⁸ Abi elemhi e ro bi ishishi,
yeye u li mholi ofu.†

Egheghe o she ramhi
ni u ro ya gue eni eghua ezo,
ni u ro ya ri eleli na eni eke ga eye
ni e khi emekeguele,
ali eni Eshinegba o she pfa na
ni e ri ekpe na eva oye,
ghe egbo ni ea mu eloe
ali ekhemhue,
abi u li pfuse eni e pfuse eke agbo-a.”

¹⁹ Igho a li khueghie Owa ugamhi oyi Eshinegba
na iloghie-a, a me Akpati Ishobo agho. Igho in-
yamhisalo ali ukpimhi ali ingmolo ali ikphala, eke
e de kule, eche rote idane deno kule.‡

12

Oni Okpotso ali Oligio oniemhi

* **11:15** Li ze Okiali 15.18; iDan 2.44; 7.14,27 † **11:18** Li ze Iwolo
2.5; 110.5; 115.13 ‡ **11:19** Li ze Iro 8.5; 16.18,21

¹ Ukpokpomhi irokhase onyaloa o feli shi idane: Oḳpotso o ya lao ni itsua ni o so e khi ovo, uki o kpoke awe eyoli, arula oghie oyi ikpetata igbeva o rughu oli ukhomhi. ² Oo me. O tseshe leghe elemhi otomhe abi o ro ya bia. ³ Igho emhi olese o gbo feli shi idane, ukpokpomhi Oligio oniemhi oyile ni o ze ikhomhi ishilua ali ekphali igbe, ali o rughu irula oghie ishilua shi ukhomhi.* ⁴ O ri ughia oyoli fuomhi asheghuo akemhishi ese ikpetata ni e la ukhuli pfino kule eke agbo. Oni Oligio oniemhi o migha oni oḳpotso ni oku o to egho odalo, ni o ba me asha gbe oli oni omoo ogho le, ini a lese bia li lasese.† ⁵ Oni oḳpotso o bia omose ni o ya ri otsuodu akhuli mheshe na egbo ni e la eke agbo nya. Ama a ba oni omoo eke rue ya nga idane ghi Eshinegba ali ukpekhomhi eghiele oyoli.‡ ⁶ Oni oḳpotso, o na je odagbe ifufu asha ni Eshinegba o riela shi eke khe oli ni a la ya dua li egbe ogbele agbele ali egbhuegbese (1,260.)

⁷ Igho okholi o lasese shi obini iloghie, iMakieni ali igeni eyoli, e nu oni inyagbemhi i kholi. Oni Oligio oniemhi ali igeni eyoli e mie we abo oni okholi.§ ⁸ Ama oa mhue ekpabo te iMakeni ali igeni eyoli oni okholi. Ashini a kpe ro na we obini iloghie o de we oboa. ⁹ A pfi oni ukpokpomhi oni Oligio oniemhi ogho tiemhile eke agbo, oni enye onede ogho ni a lu Etse ali Okphaghie, oni o di agbo nya ya da ode, a pfi oli tiemhile eke agbo, a li pfi igeni eyoli li tiemhile.* ¹⁰ Igho mhi suo ukpokpomhi uruli

* 12:3 Li ze iDan 7.7 † 12:4 Li ze iDan 8.10 ‡ 12:5 Li ze Aza 66.7; Iwolo 2.9 § 12:7 Li ze iDan 10.13,21; 12.1; iJu 9 * 12:9 Li ze Igbae 3.1; iLuk 10.18

obini iloghie khi ọọ li,
 “Mena, imiepfuese
 ali ekpabọ ali
 Eghiele oyi Eshinegba oyawa
 e she bhale!
 IKirisiti oyọli ni ọ zẹ
 ọ she ri afu oyọli khase.
 Irari khi Okphaghie,
 ni ọ gue ezọ ọ shi
 inyoghuo awa egbe,
 odalo oyi Eshinegba
 ghe eḷe ọguota ghe eḷe-iyose,
 a she pfi ọli tiemhile.†

11 E gbe ọli mu ọli le,
 itobọ ọlia eyi ọni Omi Osumha
 ali ingmemhi ọtsẹḷe oyewe.
 Eḷa lighọ nono ingme agbọ oyewe,
 ni o rewe ya ke
 ti je ukhokho na eghuli.

12 Irarighọ, a ke gheḷe,
 eḷe iloghie ali egbọ
 ni e la elemhi ọli.
 Ama epfua o khi na
 e eke ali okẹ oniemhi,
 irari khi Okphaghie
 ọ she ri ofu tiemhie deba e!
 Ofu o she vọ li elemhi,
 irari khi ọ leḷe khi
 ukuku eghẹghẹ ọ ke mhọli.”

13 Abi ọni Oligio oniemhi ọ rọ me khi a she pfi
 luẹ tiemhile eke, ọ khu ọni okpotso ni ọ bia ọni
 omọ omose. 14 Ama a ri ipfua eva eyi akpā ọdegbe

† 12:10 Li zẹ iJobu 1.9-11; iZaka 3.1

oniemhi na li, ni o ro fiala je odagbe ifufu. Ikhi obini a rieḷe shi eke keḷe ḷi ni a la ya ri eḷoe khu ḷi, eḡheḡhe ali igheḡhe ali ukhukhui eḡheḡhe ni o khi ikpe ese ali ukhukhui, ini oni inyagbemhi o khi ri emhi li o.† 15 Oni Oligio oniemhi o roḷe unu ku amḷe lasele abi oke ni oo tu, ro khu oni okpotso ni o ba ri ochikpho fuomhi ḷi ya gbe. 16 Ama eke o kpaghie oni okpotso obo irari khi eke o nya unu-a ri oni oke da ni oni Oligio oniemhi o roḷe unu kpa ku le. 17 Igho oni inyagbemhi o pfaa deba oni okpotso, o ya mu okhḷi vule shi imi ḷi enekpḷe o, ikhi eni e ri Omheḷe eyi Eshineḡba gbe akanya, ni e ri igesikia mu oḷseḷe oyi iJesu. 18 Igho oni Oligio oniemhi o migha egele oke oniemhi.

13

Oni Inyagbemhi ni o roḷe oke oniemhi lasele

1 Mhi me inyagbemhi khi o roḷe elemhi oke oniemhi ngale. O ze ekphe igbe ali ikhomhi ishilua, o rughu irula oghie igbe shi eni ekphali. Ukhomhi ogbogbo a keke eva ni o khi ungmemhi ipfiunu-a shi.* 2 Oni inyagbemhi ni mhi me, o li abi ekpe, awe eyḷi e li abi eyi akpogene, unu oyḷi o li abi unu odumhi. Oni oligio oniemhi o ri afu na oni inyagbemhi ni o ro mhḷi ekpabo ro ke mheḷe abi oghie.† 3 A kuale oni inyagbemhi ukpokpomhi utse ni o ge ugboko oniemhi. Ama oni ugboko ogho o bie. O ri abo sha agbo nya, e ve deba li. 4 Egbḷe ee ga oni Oligio oniemhi irari khi o she ri afu na oni elamhako, egbo e li ga oni elamhako, e lie, "Oghuo o

‡ 12:14 Li ze iDan 7.25; 12.7 * 13:1 Li ze iDan 7.3; Iro 17.3,7-12

† 13:2 Li ze iDan 7.4-6

li abi ọni inyagbemhi!” “Ọghuo ọ dobe ya nu ọni inyagbemhi khọli?”

⁵ A ri unu na ọni elamhako ni ọ rọ ngme ingmemhi emuebe ali ipfiunu-a. A ri egheghe na li ni ọ rọ ri afu oyọli gbe akanya iki egbhueva ali eva. ⁶ Ọ khueghie unu-a, ọ ngme ipfiunu-a deba Eshinegba, rọ pfueche eva oyi Eshinegba ali ashini ọọ la ali egbo ni e nu ọli la iloghie-a. ‡ ⁷ A ri afu na li ni ọ nu eni Eshinegba ọ she pfa na khọli, ali ni ọ mu we ọ le. A ri afu na li ni ọ mhese shi edeli nya, egbo ali emue ododa ali ishishi. § ⁸ Egbo ni e la eke agbo nya e ya ke ga ọni inyagbemhi. Eni ẹa ga ọni inyagbemhi ọna, e khi eni a keke eva oyewe shi ebe ni a keke eva oyi eni e ya mhọli agbo na agboagbo shi, neni a ma agbo. Oni ebe agbo ona o khi ebe agbo oyi Omi Osumha ni a rọ luase obo.*

⁹ Ọni ọ mhọli esọ, ọ rọ suọ!

¹⁰ Eni okhọli o ya mu,
o mema ya mu we.

Eni a ya gbolo-a,
a mema ri itakobi
ya gbolo we-a.

Eri a ri ona liẹ eni Eshinegba ọ pfa na e ri irabomudu ri egbe mie, e ri igesikia ke khase. †

Ọni Inyagbemhi ni ọ rọte agbo lasele

¹¹ Igho mhi gbo me inyagbemhi ọlese ni ọ rọte eke ẹ lasele. Ọ ze ekphali eva abi omi osumha, ọọ ngme abi oligio ọniemi. ¹² Ọ ri afu oyi inyagbemhi ọni odode ẹ gbe akanya na li. Ọ ri itoto ri egbo na eke agbo ọ ga inyagbemhi ọnodode, ikhi ọni

‡ **13:6** Li ze iDan 7.8,25; 11.36 § **13:7** Li ze iDan 7.21 * **13:8**
Li ze Iwolo 69.28 † **13:10** Li ze ijere 15.2; 43.11

ukpokpomhi ugboko oyoli o she bie. ¹³ O rięle irokhase onyaloa enefune, o ga ri erali rote idane e tiemhile, ni egbọ ee me. ¹⁴ Itobọ irokhase ni a ri afu oyi inyagbemhi onodode lina a rięle, o di egbọ ni e la eke agbọ. O gueye we e khali ikhumhi, ro khi ufumhi na oni inyagbemhi ni oni itakobi o kualu utse, ni o kie la agbọ. ¹⁵ A ri afu na li ni o ri ayemhe na oni ikhumhi irokhokho oyi oni inyagbemhi onodode, ni o dobe ke ngme, ali ni a ke gbolo egbọ ni ea lama ga li-a. ¹⁶ O gbo ri itoto mu ogbokpa shi olele shi obita okekhi alukpo, ghe egbọ eniemhi ali enikeke, ghe eni e mholi epfue ali eni ea mholi, ghe eni ea khi ighumha ali eni e khi ighumha. ¹⁷ Ogbokhoghuo oa dobe ke e de emhikhoghuo wekhi eri o ro o de, se ni oni o mholi olele ogho, ni o khi eva oyi oni inyagbemhi ali inoba oyi eva oyoli.

¹⁸ Eri onana gueye awa, awa mholi ileasingme. Oni o lolo lese ingme o sa abi a ri oni inoba ona ngme. Oni inoba khi (666), egbhue uye ali igbe ali egbhueşe ikpamhi esesa. Inoba ni o migha shi ogbọ na.

14

Oni Omi Osumha ali eni egbọ agbele egbhueşilua ali ene (144,000)

¹ Igho mhi bino. Ghe Omi Osumha odalo oyemhe khi o migha Ute izayo. Egbọ 144,000 (agbele egbhueşilua ali ene) ni a keke eva oyoli ali eva oyi itali shi we alukpo e nu oli migha.* ² Mhi ya rote idane suo uruli abi ikhoshe oyi utumhi oyi oko nofuno

* **14:1** Li ze Ezik 9.4; Iro 7.3

ni o rōte ikhomhi eche tu e tiemhile. Oo ngmolo abi akphala. Oni uruli ni mhi suo, o li abi ini eni e kpheli efa, ee kpheli efa. ³ E to uwolo onogbo odalo ukpekhomhi oghie ali ukpeloe oyi eni elamhako aane ni Eshinegba o ma ali ukpeloe oyi eni egbhali. Ogbokhoghuo o dobe wena oni uwolo ogho, se ni egbo agbele egbhueshilua ali ene egho (144,000), ni a she rōte eke agbo pfasheke. ⁴ Enana e khi egbo ni ea ri ikpotso ri ichimhi mu egbewe, irari khi eri e ri egbewe shi ipfuase. E deba oni Omi Osumha a je obiobini o je kpa. Eni a rōte ifuabo egbo pfasheke e khi ni a rōte odode ro na Eshinegba ali oni Omi Osumha pfo. ⁵ Ogbō o ma me egholi okhoghuo unu oyewe, irari khi ea mholi umhagueli okhoghuo.†

Eni Igeni Aase

⁶ Igho mhi me ageni olese khi o la iteva irarogbe e fiala, o mhue usomhi onete na agboagbo ni o ro ya tsabo gueye egbo na agbo, ikhi eni e la ishishi nya, ali edeli nya, ali emue-khi-emue ali egbo kpa. ⁷ O ri ukpokpomhi uruli lie, “Na ulishi Eshinegba, ri ufumhi nali, irari khi eghoghe iguezo oyoli o she ramhi, a ke ga oni o ma idane ali eke ni o ma oke oniemi ali ashini amo o te e chocho.”

⁸ Ageni olese onuzava o deba li, oo, “IBabilo okekhui o de, oni o ri onyo ni o pfuase oyoli ona okia na ishishi nya da.”‡

⁹ Ageni onuzi-aase o deba we, o ri ukpokpomhi uruli lie, “Ini ogbokhoghuo o ga oni inyagbemhi ali ikhumhi oyoli, ni o ro mie olele oyoli shi alukpo, okekhi obo, ¹⁰ oni ogho ogho, o ya rōte onyo elemhi

† 14:5 Li ze iZef 3.13 ‡ 14:8 Li ze Aza 21.9; ijere 51.8; Iro 18.2

ibibi oyi Eshinegba li da, ikhi onyo ni aa pfose-a ni a she ku vo uko elemhi ibibi oyoli. A ya ri ofulu ni o o lala biobiobio tose oli-a ukpeloe oyi igeni eni e pfuase ali ukpeloe oyi oni Omi Osumha. § 11 Ewoli oyi anasemhe eyewe ee nga idane agboagbo. Eni e ga oni inyagbemhi ali inyagbemhi ni a khali, ali onini o da mie olele oyi eva eyoli ne, ea mhue iyemhea shi eleoguota, shi eliyose.* 12 Eri onana o gueye eni Eshinegba o pfa na e ri irabomudu ri egbe mie, ikhi eni e ri omhese eyi Eshinegba a gbe akanya, ni e ri igesikia a deba iJesu.

13 Igho mhi suo khi uruli o rote idane lie, "Keke onana: Ikhivose o khi na eni e ghu-a shi elemhi Onomhue rote memena vu."

"Ikhivose o khi na we egbegbo!" "Igho Ayemhe o ngme, khi e ya yemhe inyama-egbe agbo-a, irari khi eminete ni e ri ele, e ya deba we!"

Ikhiese oyi eke agbo

14 Igho mhi bino, mhi me otughunu opfopfo odalo oyemhe. Oni o shito o, "O li abi Omi Ogbu." O rughu arula igolu oyi oghie shi ukhomhi, o ri agaga ni o o mu mholi obo. † 15 Ageni olese o rote Owa oyi Eshinegba lasela ri ukpokpomhi uruli lu oni o shito nga ukhomhi otughunu egho leghe, o o li, "Rue agaga oye ni u ke khiese, irari khi egheghe ikhiese o she ramhi, irari khi agbo o she bie ni a khiese." ‡ 16 Igho oni o shito otughunu egho, o ri agaga oyoli khiese agbo.

§ 14:10 Li ze Aza 51.17; Igbae 19.24; Ezik 38.22 * 14:11 Li ze Aza 34.10 † 14:14 Li ze iDan 7.13 ‡ 14:15 Li ze iJofe 3.13

17 Aḡeni ọlese ọ rọte Owa oyi Eshineḡba na iloghie fiẹ lasele, lọli ọ li mhọli agaga ni ọọ mu. 18 Ighọ aḡeni ọlese o rọte atẹtẹ fiẹ lasele, ikhi aḡeni ni ọ mhọli omhẹse shi erali. Ọ ri uruli oniemi lu oni o mhọli agaga ni ọọ mu eghọ leghe, ọọ li, “Rue agaga oni ọọ mu oye, ni u rọ khiese ipfonu eke agbo-a, irari khi ipfonu e she yile!” 19 Ighọ oni aḡeni ọ pfi agaga oyọli gase eke agbo, ọ khiese ipfonu nya, ọ ku we lo ashini a te e mino onyo. Amino onyo ona, elemhi ibibi oyi Eshineḡba o migha shi. 20 Ighọ a la ashini a la amino onyo ni o la olase oni eoli ri awe gue we. Olia e rọte oni amino onyo tu lasele. Utumhi oyi oni o lia o ga nuata ramhi imali egbhueḡbe, e limhi abi ete-awe ishe. §

15

Iḡeni oshilua ni e tsua anasemhe ishilua

1 Ighọ, mhi me irokhase oniemi ni o mu eloe olese ukhomhi idane, ikhi iḡeni oshilua ni e mhọli anasemhe ishilua ni e khi eni e kpukhokho, irari khi wewe Eshineḡba ọ rọ ya gbe ofu oyọli ukhomhi. 2 Mhi me emini o li abi oke ighegbe oniemi ni erali e solọ shi, o migha epfe oke oniemi. Egbọ ni e mu oni inyagbemhi ali oni ikhumhi oyọli ali inoba oyi eva oyọli ọ le, e mu efa ni Eshineḡba ọ rọ na we mhue abo. 3 E to uwolo oyi iMosisi oni ọọ ga oyi Eshineḡba ali uwolo oyi oni Omi Osumha, e lie,
 “Ufumhi ali oshabo
 e khi ikanya eye,
 Eshineḡba Onomhue Nofune nya.
 Ipfuase ali igesikia

§ 14:20 Li ze Aza 63.3; iLame 1.15; Iro 19.15

ode eye e khi,
 oghie ni o mholi ishishi nya!*

⁴ Oghuo o a ya na
 ulishi oye Onomhue,
 ni o a ya ri ufumhi
 bhale ghi eva oye?
 Irari khi yeyeghuo kpele
 u khi oni o pfuase.
 Ishishi nya e ya bhale
 ya kuoghi e, irari khi
 ikanya ipfuase eye
 e she ri egbe khasa.”†

⁵ Onana o dose se, mhi bino, mhi me Owa oyi
 Eshinegba na iloghie, ni o khi Igholo oyi otsele khi
 o khueghie-a.‡ ⁶ Rote oni owa ugamhi, eni igeni
 oshilua ni e mholi anasemhe ishilua e te lasele. E
 sono itsua ni e pfuase ni ee ge nyanyanya, e ri
 oghene igolu mu aye. ⁷ Igho otuoghuo eni elamhako
 aane ni e mholi ayemhe egho, e ri italabi igolu
 ishilua ni ofu oyi Eshinegba e la, na eni igeni os-
 hilua. Ikhi Eshinegba, ni o la o le agboagbo. ⁸ Oni
 owa ugamhi o vo ewoli oyi ufumhi ali ekpabo oyi
 Eshinegba. Ogb o khoghuo o a la o ni o dobe lo oni
 owa ugamhi ya ramhi ni eni anasemhe ishilua e ro
 gba pfo.§

16

Italabi ishilua ofu eyi Eshinegba

* 15:3 Li ze Okiali 15.1 † 15:4 Li ze ijere 10.7; Iwolo 86.9 ‡ 15:5
 Li ze Okiali 38.21 § 15:8 Li ze Okiali 40.34; 1 Ighie 8.10-11; 2 Okhe
 5.13-14; Aza 6.4

¹ Igho mhi suo khi uruli na leghe o rote oni Owa ugamhi oyi Eshinegba gueye eni igeni oshilua, “A ka ku eni italabi ishilua eyi ofu oyi Eshinegba shi eke agbo.” ² Ageni onodode o vu ya ku atalabi oyoli shi eke agbo. Iwali igboko ebe ni e lolo e to, e ge egbo ni e mholi olole oyi oni inyagbemhi, ni e ga oni inyagbemhi ni a khali.*

³ Ageni onuzava o ya ku atalabi oyoli lo oke oniemi, oni oke oniemi o mele oia eyi egbo ni e ghua-a. Emhikpa ni e mholi ayemhe ni e la elemhi oni oke oniemi e ghulua.

⁴ Ageni onuzi-aase, o ku atalabi oyoli lo oke ali ichochochome, e mele oia-a.† ⁵ Mhi suo khi ageni ni a ri amegha obokhi olo li,

“Ogueso-ezo ni o pfuase
u khi, irari khi

u gueso ingme ena,
Yeye u khi Eshinegba No pfuase,
Yeye u la o memena,
ni u kpe la o, ni u gbo ya la o,
itobokhi igesikia u ro o so eso eye.

⁶ Irari khi egbo e she gbolo

eni a pfa na-a
ali emekeguele,
u she ri oia na we da,
abi o ti shi!”

⁷ Mhi suo khi atete o tseso, oo,

“Guegue,
Eshinegba Onomhue Nofuneya,
igueso eye, eyi igesikia
ali eni e te ode e khi!”

* **16:2** Li ze Okiali 9.10 † **16:4** Li ze Okiali 7.17-21; Iwolo 78.44

⁸ Aḡeni ɔnuzi-aane ɔ ku atalabi oyoli ku ovo, a ri ekpaḡo na ovo o ri erali ke tose eḡḡo-a. ⁹ Eḡḡo e daghiye-a irari utomhi oyi erali, e ze emuebe na eva oyi Eshineḡba ni ɔ mholi ekpaḡo ro mheshe na anasemhe enana, ama ea lama mupfi ni e ri ufumhi na eva oyoli.

¹⁰ Aḡeni ɔnuzi-oshe ɔ ku atalabi oyoli kushi ukpekhomhi oghie oyi oni inyagbemhi, eghiele oyoli o la obili. Eḡḡo e ngomhi elemhi unu, shi oya.‡ ¹¹ E ku itse na Eshineḡba na iloghie irari utomhi ali igboko eyewe, ama ea lama mupfi lase ode okholo oyewe le.

¹² Aḡeni ɔnuzi-osasa o ku atalabi oyoli lo oko iYufiretisi ni o fu, o khakha amee-a ni ighie na obini ovo o te engale e me asha rote dose.§ ¹³ Igho mhi me khi ikhiakhiamhi iyemhe aase ni e li abi ikele e rote unu oyi oni oligio oniemhi ali unu oyi inyagbemhi ali unu oyi omekeguele oyi eḡḡoli, lasele. ¹⁴ Wewe e khi iyemhe okphaghiye ni ee gbe ikanya oshabo, ni e fiye deba ighie ni e la eke agbo nya, ni e ya ti we gbili shi okholi ogbele oyi Eshineḡba No fune nya.

¹⁵ “A ghe i, mhi ya bhale abi oghiatol! Ikhivose o khi na ogbo ni ɔ ya guale, ni ɔ ya ri eloe khu ide eyoli ini ɔ khi bano-a ni a me oli irumheba!”*

¹⁶ Igho eni iyemhe okphaghiye e ti we gbili ashini a ri elemhi Iburu e lui Amagedo.†

¹⁷ Aḡeni ɔnuzi-oshilua o ku atalabi oyoli nga idane, igho uruli na leghe o rote Owa ugamhi oyi

‡ **16:10** Li ze Okiali 10.21 § **16:12** Li ze Aza 11.15 * **16:15** Li ze iMat 24.43-44; iLuk 12.39-40; Iro 3.3 † **16:16** Li ze 2 Ighie 23.29; iZaka 12.11

Eshineḡba rṱte ukpeḱhomhi egħiele ngme lasese, ọọ li, “A she riẹḡ ọli!” ¹⁸ Igho, inyamhisalo amẹ, ali ukpimhi ali ingmolo oyi ikphala ali inighise eke e bhale. Inighise nabi ọgbo-a kpe me ghue abi a te ma ọgbo shi eke agbo. Oni inighise o ga khi oniẹmhi!‡ ¹⁹ Oni ẹoli oniẹmhi o kemhi asha ese, ẹoli oyi eni ishishi nya e de kua. Eshineḡba ọ sato ẹoli iBabilo no fu egbe. Ọ mhẹse uko ni onyo ofu oyoli o vo nali. § ²⁰ Eke ni e la iteva elemhi okẹ nya e kelea, aa ke me ite ekhoghuo.* ²¹ Eche amẹ na idane eniẹmhi e rṱte idane de mu ẹgbo. Ee ngmano ku Eshineḡba irari eni opfuse oyi eni eche amẹ, irari khi oni opfuse o kholo gba.†

17

Adegbe nofunẹ

¹ Igho aḡeni ọghuo ni ọ mholi italabi ishilua ọ bhale, ọọ mhe, “Bhale khi mhi ya ri abi a li ya nase oni adegbe onofunẹ khasẹ, ikhi ẹoli oniẹmhi ni o la epfe okẹ ni e bu.* ² Loli ighie na eke agbo e nu kia okia, onyo okia eyoli e gbe ẹgbo ni e la eke agbo.”†

³ Igho oni aḡeni ọ rue mhe je odagbe ifufu elemhi Ayemhe. Igho mhi me ọkpotsu ni ọ shito nga inyagbemhi oyile, ni ọ le iwali eva ipfiunu-a, ọ ze ikhomhi ishilua ali ekphali igbe.‡ ⁴ Oni ọkpotsu ọ sono itsua eyile, a ga mema ri igolu ali ifefe ali ema ro khusẹ ọli-a. Ọ mu uko igolu mholi obo ni

‡ **16:18** Li zẹ Iro 8.5; 11.13,19 § **16:19** Li zẹ Aza 51.17 * **16:20**
 Li zẹ Iro 6.14 † **16:21** Li zẹ Okiali 9.23; Iro 11.19 * **17:1** Li zẹ
 ijere 51.13 † **17:2** Li zẹ Aza 23.17; ijere 51.7 ‡ **17:3** Li zẹ Iro
 13.1

o vọ emhi ighuighue ali ikanya ichimhi eyi itsebo eyoli. § ⁵ Emhi osheli na keke shi oli alukpo khi.

Osheli.

IBabilo Oniemhi.

Inyo idegbe nya.

Ali inyo itsebo nya. ⁶ Mhi me khi oni okpotso, o da o lia eyi egbo ni a pfa na, o lia eyi eni a gbe-a irari khi e mie iJesu suọ.

Abi mhi ro me oli, mhi yila.

⁷ Igho oni ageni oo mhe, “Elo o ze ni u ro yila? Mhi ya gueye osheli oyi oni okpotso ali oyi oni inyagbemhi ni oo nga, ni o ze ikhomhi ishilua ali ekphali igbe. ⁸ Oni inyagbemhi ni u me ni o kpe khi, mena ni o a ke khi loli, o ya rote ilimhi na ningolo ngale ya je epfua oyoli. Abọ e ya sha egbo ni e la agbo ni aa keke eva oyewe shi ebe ni a keke eva oyi eni e ya mholi agbo na agboagbo shi, rote igbaekele agbo, ini e me oni inyagbemhi irari khi, o kpe khi, mena o a ke khi, ni o a ya bhale.*

⁹ “Onana o khi emini ogbo te e sa usamhi ilisingme. Eni ikhomhi ishilua egho, e khi ikhomhi ite ishilua ni oni okpotso oo shito. ¹⁰ Ighie oshilua e li gbo khi. Etuoshe o, e she ghua, oghuo oo kiele e mheshe, oni o kpole o a bhale ne. Ini o da bhale, o mema ya laọ ukuku eghoghe. ¹¹ Oni inyagbemhi ni o kpe laọ ni o a ke laọ egho, o khi oghie onuziolale, abeghuo loli ali oshilua enekpole e li, o ya li je epfua oyoli.

¹² “Eni ekphali igbe ni u me egho, e khi ighie ogbe ni aa ri eghiele na ne, ama a ya ri afu na we elemhi iwakati oghuo tse ni e ro mheshe abi ighie, li

§ 17:4 Li ze iJere 51.7 * 17:8 Li ze iDan 7.7; Iro 11.7; Iwolo 69.28

shi ọni inyagbemhi.† 13 Enana emhi oghuo ẹ khi, e ya ri ekpabọ ali afu oyẹwẹ na ọni inyagbemhi. 14 E ya nu ọni Omi Osumha khọli. Ọni Omi Osumha ọ ya gbe wẹ ọni okhọli, irari khi Ọnọmhuẹ oyi enemhuẹ ọ khi, ali Oghie ni o mhọli ighie ọ khi. Irari khi e nu ọli la, wẹwẹ ọ lu ni ọ zẹ, ali ni e khi eni e ri igesikia deba li.”

15 Ighọ ọni aḡeni ọọ mhe, “Eni oke eniemhi ni u me, ni ọni adegbe ọ shito, ẹgbọ ali ebubu ẹgbọ ali ishishi ali emue ọdoda e la aghọ. 16 Ọni inyagbemhi ali ekphali igbe ni u me eghọ e ya biselemhi ọni adegbe. E pfuse ọli-a, e banọ ọli-a, e nyanọ li elamhi egbe rọ le, e ri erali tose ọli-a. 17 Irari khi Ẹshinegba ọ rọli shi wẹ udu e rieḷe emini ọ gba, lọli e rọ lama kugbe ri ekpabọ eyẹwẹ na ọni inyagbemhi ni ọ mhese, ya ramhi ni ungmehi oyi Ẹshinegba o rọ bhale ya tse. 18 Ọni ọkpotoso ni u me lọli ọ khi oni ẹoli oniemhi ni ọọ mhese na ighie na agbọ.”

18

Udemhi oyi iBabilọ

1 Onana ọ dọse se, mhi me aḡeni olese khi ọ rọte iloghie ẹ tiemhile. Ọ mhọli afu nofunẹ, uḡemhi oyọli o ri eke agbọ ọ ḡe nyanyanya. 2 Ọ ri uruli oniemhi tseḡe leghe, ọ li.

“Ẹoli iBabilọ Oniemhi,
o she de.
O she mele ugbebo
oyi iyemhe eyi
ọkphaghie-a,
ali ashini iyemhe
ọkphaghie e la lese,

† 17:12 Li zẹ iDan 7.24

ashini ipfeli ali elamhako
ni aa pfuase ni aa ghue,
e e la.*

³ Irari khi ishishi nya,
e she kpokpo onyo,
ni o ri ujili e kpha,
ikhi onyo okia oyoli.
Ighie na eke agbo
e she kia okia deba li.
Eduoki na eke agbo,
e she rote
iliagbo-tsuakua oyoli
mhu e pfue.”†

⁴ Igho mhi suo uruli olese ni o rote idane lie,
“Egbo eyemhe, a na li egbe kua,
ini a khi mhu e okemhi
shi olamhe eyoli,
ini a khi mhu e okemhi
shi osoli anasemhe oyoli.‡

⁵ Irari khi olamhe eyoli
e she tighbili yagha ramhi idane,
Eshinegba o she sato
umha-gueli eyoli.§

⁶ A li oli, abi o li e,
a fali oli ota asha eva
shi ikanya ni o gbe.
Onyo ni o toto ni o ro na e da,
a so oghogho nali da asha eva.*

⁷ A ri osoli ali oyala nali

* **18:2** Li ze Aza 13.21; 21.9; iJere 50.39; 51.8; Iro 14.8 † **18:3** Li ze Aza 23.17; iJere 51.7 ‡ **18:4** Li ze Aza 48.20; iJere 50.8; 51.6,45 § **18:5** Li ze Igbae 18.20-21; iJere 51.9 * **18:6** Li ze Iwolo 137.8; iJere 50.29

ni o gue to ufumhi ali epfue
 ni o rona egboli.
 Irari khi eri Oni Okpotso
 o la ekelemhi tonono obo udu lie,
 ‘Mhemhe mhi khi oni olele!
 Mhi aa tigbe ya khi
 osamhi-olimhi,
 mhi aa tigbe ya
 me oya egbe ghue.’
 8 Irarigho, ogbeleghuo
 anasemhe oyoli
 o ro ya sha rughu oli,
 shi eghuli ali evie
 ali okiamhi.
 A ya ri erali tose oli-a.
 Irari khi Eshinegba Onomhue
 ni o ya gue oli ezọ,
 onofune nya o khi.”†

9 “Ini ighie na agbo ni e kia okia deba li, ni e nu
 oli li agbo tsua kua, e ya vie, e vie evie oya na li, ini
 e me ewoli erali ni e tose oli-a. 10 E ya tapfia migha
 ke vie irari ulishi osoli ni a na li, e e lie,

“Eekhue o Eekhue o
 yeye eoli nofunę,
 iBabilo eoli no mhuę ekpabo!
 Elemhi iwakati oghuo tse
 epfua oye o she bhale!”‡

11 “Eduoki na agbo e ya vie oli e vie oya irari khi
 ogbokhoghuo o a ke nu we ya de itsua. § 12 Itsua igolu
 ali elomho, imieche ni e somhotse ni e ghale, ifefe
 ali ema, ide epfopfo na kpishi, ali eni e yile, ghe

† 18:8 Li ze Aza 47.7-9 ‡ 18:10 Li ze Ezik 26.16-17 § 18:11 Li
 ze Ezik 27.31,36

ena wono, ali ilolo eni eyile ali itsua ododa ni a ri oora ni e pfie khali, ali itsua ododa ni a ri ekphali eni khali, ali eera ni e ghale, ide ali ikhuli ali eche imabo. ¹³ Ali alagho na lu ikinamoni ali oshamhi ali ituale afu eera ali ituale ni a ku e shi olimhi egbe, ali atike ni o o pfie ni o ghale ali onyo ali oili ali ifulawa ali ikpamhi emhi ni a lu ado, ena ali isumha ali ichi ali amoku ni ichi e e tsua, li shi egbo ni e khi ighumha.*

¹⁴ “Eni eduoki e ya lie oli, ‘Imomhi ni u ri ukpelo e shi eke e khe, o she me na. Epfue ali osuemhe eye nya e she kele-a, ni a ke dobe gbolo me ya mie.’

¹⁵ Eduoki ni e ri emhi enana de ni e me elele epfue rote obo oyi oni okpotso, e ya migha tapfia, ulishi osoli ni o me o mu we. E ya vie e vie oya,† ¹⁶ e vie nyogho, ee lie,

“ ‘Eekhue-o! Eekhue-o,
 oli Onofune,
 ni a ri iwulu ichi eneyile,
 ni a ri igolu ali eche
 ni e ghale ali ifefe
 khue akhue!

¹⁷ Aboriekhi igho,
 elemhi iwakati oghuo tse,
 eni epfue eniemhi egho
 e li opfu-a.‡

“Eni e khi ega oko-ok e oniemhi nya ali eni e lo oko-ok e oniemhi ya asha ali eni e gua li ali eni e rote ok e oniemhi e mie ifata, e ya tapfia migha. ¹⁸ Ini e me ewoli eyi utomhi oyoli, e ya lie, ‘Eoli okhoghuo o

* **18:13** Li ze Ezik 27.12,13,22 † **18:15** Li ze Ezik 27.31,36

‡ **18:17** Li ze Aza 23.14; Ezik 27.26-30

la o ni o li abi oni eoli oniemi? § 19 E yalo ifufu ku ukhomhi, e ri evie ali oya vie leghe, ee lie,*

“Eekhue-o! Eekhue-o,
yeye eoli oniemi,
ni eni e mholi
okokoke oniemi nya,
e te mholi epfue eyewe
rote osuemhe oyi oni eoli!
Elemhi iwakati oghuo tse
a ro pfuse oli-a.†

20 A ri itobo li
ke ghele, iloghie,
A ke ghele,
e eni a pfa na
ali ighiusomhi na ke ali emekeguele!
Irari khi Eshinegba
o she gue oli ezo
shi abi o li nase e.’ ‡

21 Igho ageni nofuno o rue udumhi eche ni o li abi
eche iko pfilo oni oko oniemi, oo li,
“Ekpabo na guo
a ro ya guoghoo
eoli iBabilo oniemi-a,
aa ke gbo ya
me e elo ghue. §

22 Ogboro oke gbo ya suo
uruli efa
wekhi oyi emini aa kpheli
wekhi oyi ofele,

§ 18:18 Li ze Ezik 27.32 * 18:19 Li ze Ezik 27.30-34 † 18:19 Li ze Ezik 27.30-34 ‡ 18:20 Li ze iDeut 32.43; ijere 51.48 § 18:21 Li ze ijere 51.63-64; Ezik 26.21

węki oyi akala
elemhi yeye oni eoli ona ghue.

Ogbọ ọa ke ya me
ogbakanya okhoghuo
elemhi e ghue.

Ogbọ ọa ke ya suọ
okeke emini a mhele iko,
elemhi e ghue.*

23 Erali ákpá ọa ke gbo ya ge
elemhi e ghue,

węki eri a ya gbo suọ
uruli eni e zu ode
elemhi e ghue.

Eduoki eye e khi
egbo eni e fune na eke agbo,
u ri ogbho oye
di ishishi nya wasa-a.†

24 Elemhi oni eoli a me
olia eyi emekeguele
ali eyi eni a pfa na,
ali eni a gboloa shi eke agbo nya.”‡

19

Okuekhoogo!

1 Onana o dose se, mhi suọ uruli ni o li abi okeke
oniemhi oyi ebubu egbo obini iloghie khi oo tseşe,
oo lie,

“Okuekhoogo,
Imiepfuese ali ufumhi
ali ekpabo khi

* 18:22 Li ze Ezik 26.13; Aza 24.8 † 18:23 Li ze ijere 7.34; 25.10

‡ 18:24 Li ze ijere 51.49

eyi Eshinegba oyawa.
 2 Irari khi iguezo oyoli
 eyi igesikia ali
 eni e sheshe e khi.
 O she pfa ezọ mu
 adegbe onofune,
 oni o she ri okia eyoli
 yese eke agbo-a.
 Eshinegba o she ye okhọli
 to oia eyi eni ega eyoli.”*

3 Igho e gbo tsesẹ, e lie,
 “Okuekhoogo!
 Ewoli eyoli e she ẹ nga
 idane agboagbo.”†

4 Igho egbhali uye ali aane ali elamhako aane, e
 de yeshi, e ga Eshinegba ni o shito oni ukpekhomhi
 oghie, e lie,
 “Atse! Okuekhoogo!”

5 Uruli o rote oni ukpekhomhi oghie ngme o o lie,
 “A kuẹghie
 Eshinegba oyawa,
 ẹẹ ni ẹẹ ga eyoli nya,
 ẹẹ ni a na ulishi oyoli,
 ghe ẹgbọ ni e fu
 ali eni e she!”‡

6 Igho mhi su o uruli ni o li abi uruli oni emhi oyi
 ebubu ẹgbọ ni o li abi ingmolo oyi oke ni o o tu, ni
 o gbo li abi ingmolo oyi akphala. Ee lie,
 “Okuekhoogo!
 Irari khi Eshinegba
 Onomhuẹ oyawa Nofune nya,

* 19:2 Li ze iDeut 32.43; 2 Ighie 9.7 † 19:3 Li ze Aza 34.10

‡ 19:5 Li ze Iwolo 115.13

lọli ọ le oghie!§
 7 Awa ke ghele,
 egbe ke mu awa,
 awa ri ufumhi nali!
 Irari khi izu-ode oyi
 oni Omi Osumha
 o she ramhi,
 omueshi ọ she mu egbe shi eke.

8 Ode opfopfo
 ni o dala ni o pfuase,
 a ro nali so.”
 (Oni Ode opfopfo, igue ngeli oyi eni a pfa na o
 migha shi.)

9 Oni aḡeni ọọ mhe, “Keke khi. ‘Ikhivose o khi na
 egbo ni a lu shi oni ukue aruele oyi izu-ode oyi oni
 Omi Osumha.’ ” Ọ gbolo e mhe, “Ingmemhi enana,
 egbegbi ingmemhi eyi Eshinegba e khi.”*

10 Igho mhi de ya wugha li awe ni mhi ga li.
 Ama ọọ mhe, “Khi li gho! Oni ọọ ga nabi yeye ali
 onabi inyoghuo e enekpole mhi khi ni e mu otsele
 oyi iJesu mhue. Ga Eshinegba! Irari khi otsele oyi
 iJesu o khi ayemhe imekeguele.”

Oni ọ nga achi opfopfo

11 Igho mhi me khi iloghie o khueghie-a mhi me
 achi opfopfo. Oni ọ nga li a lu oze-regbenga ali oni
 ọ khi igesikia. Ode ni ọa mhue azeba ọ te e so ezọ,
 ni ọ te e kholi.† 12 Ikpamhi alo eyoli e li abi elemhi
 ere. Ọ rughu irula oghie ni e bu. Ọ mholi eva ni a
 keke shi oli egbe ni ogbo olese ọa lese, se ni loli ghuo
 kpele.‡ 13 Ọ so awulu ni a so oia. Eva ni a lu oli khi,

§ 19:6 Li ze Ezik 1.24; Iwolo 93.1; 97.1; 99.1 * 19:9 Li ze iMat
 22.2-3 † 19:11 Li ze Ezik 1.1; Iwolo 96.13; Aza 11.4 ‡ 19:12 Li
 ze iDan 10.6

“Ungmemhi oyi Eshinegba.” ¹⁴ Ekholi-okhue ni e la iloghie e deba li kia, e sono itsua epfopfo ni e dala ni e pfuase, e nga ichi epfopfo. ¹⁵ Itakobi ni o o mu o rote unu oyoli lasele, ni o ro ya kholi eni ishishi. Otsuodu akhuli o ro ya ke mhese na eni ishishi. O ya rote ashini a te e mino-onyo mino onyo lasele, Ikhi onyo no khi ofu oniemi oyi Eshinegba Nofune nya. § ¹⁶ A keke eva, “Oghie Ni o Mholi Ighie, Ali Onomhue Ni o Mholi Ekhemhue,” shi awulu na dogo oyoli ali ukhiowe oyoli. ¹⁷ Igho mhi me ageni khi o migha ovo, ni o vie lasele leghe lui ipfeli ni e la irarogbe e fiala, “A bhale a ka legba shi aruele ogbomhi oniemi oyi Eshinegba. ¹⁸ Eghenge agho ni a le elamhi idiegbe oyi ighie ali ega ekholi-okhue ni e ri ekholi-okhue e ye okhue, ali elamhi idiegbe eyi egbo nefune, shi elamhi ichi ali eni e nga we, ali elamhi idiegbe egbo nya, shi ighumha ali eni ea khi ighumha ghe egbo enikeke ali egbo oniemi.”*

¹⁹ Igho mhi me oni inyagbemhi ali ighie na eke agbo ali ekholi-okhue eyoli khi e lona kugbe, ni e ro nu oni o nga oni achi ali ekholi-okhue eyoli kholi. ²⁰ Ama a mu oni inyagbemhi ma omekeguele oyi egbholi oyoli, oni o ri eva oyoli gbe irokhase onyaloa. Eni irokhase ena o ro di egbo ni e mie eni olele eyi oni inyagbemhi shi egbe, ni e ga irokhokho oyoli ni a khali. Oni inyagbemhi ali oni omekeguele oyi egbholi, a mu we pfilo uyele erali ni ofulu o la to kua yala. † ²¹ Eni e kpole, a ri itakobi oni o rote unu oyi oni o nga oni achi gbolo we-a. Eni ipfeli nya e ri elamhi idiegbe eyewe le.

§ **19:15** Li ze Iwolo 2.9; Aza 63.3; iJofe 3.13; Iro 14.20 * **19:18** Li ze Ezik 39.17-20 † **19:20** Li ze Iro 13.1-18

20

Ikpe Agbele

¹ Igho mhi me khi agheni o rote idane e tiemhile o mu okpe ilimhi na ningolo mholi obo, o tsua ukpokpomhi uwegehe. ² O gamhi oni oligio oniemhi rue, ikhi enye onede ogho ni o khi etse ali Okphaghie, o ge oli ikpe agbele oghuo.* ³ O pfi oli lo oni ilimhi na ningolo, o pfi okpe o. O pfi oni ilimhi na ningolo unu ma, ini o khi ke gbo me asha di ishishi egbo, ya ramhi ni eni ikpe agbele e ro ya gba. Ini ona o dose se, a mema ya rue oli obo-a ukuku egegehe.

⁴ Igho mhi me ikpekhomhi ighie. Eni e shito o, e khi eni a ri afu na ni e ri egbo gue ezọ. Igho mhi gbo li me iyemhe eyi egbo ni a kholo ikhomhi o, irari otsela ni e pfi na iJesu ali ungmehi oyi Eshinegba. Eni egbo ena ea ga oni inyagbemhi wekhi irokhokho eyoli, wekhi eri e mie olele oyoli shi atete ukhomhi, wekhi obo. E ya te eghuli guale, e ya nu iKirisiti mhese ikpe agbele.† ⁵ Egbo ni e kpole ni e ghuloa ea ke rote eghuli guale, ramhi ni ikpe agbele egho e ro gba. Onana o khi irote eghuli guale onodode. ⁶ Ikhivose ali ipfuase e khi eyi eni e mholi obo shi iguale onodode onana. Eghuli onuzi-eva oa mholi ekpabo shi egbo eghoghọ egbe, ama e ya khi ekpodalo-ugamhi eyi Eshinegba ali eyi iKirisiti. E ya nu oli mhese ikpe agbele.

⁷ Ini eni ikpe agbele e gba se, a ya taghie Okphaghie owa ighumha oyoli-a. ⁸ O ya fie lasele ya di egbo ni e la ishishi nya na eke agbo, ikhi egbo ni a

* **20:2** Li ze Igbae 3.1 † **20:4** Li ze iDan 7.9,22

lu iGogi ali iMagogi, ni o ro ti we gbili shi okholi. Eri e bu abi ekhashe ni e la egele oke oniemi.‡ 9 Igho e to ogholi ya gbe eke agbo khia, e pfi gashe apfe eyi egbo eyi Eshinogba, eoli ni o nono egbegbo. Ama erali e rote idane tiemhile ya tose we-a. 10 Oni etse ni o di we, a mu oli pfilo erali ilimhi iriere ni ofulu o la to kua yala. Ikhi ashini a pfi oni inyagbemhi ali omekeguele oyi egbholi lo. A ya la agho na we osoli agboagbo, no gbe no bi.

A ri eni e ghu-a gue ezọ

11 Igho mhi me ukpokpomhi ukpekhomhi oghie opfopfo ali oni o shito o. Abi o shito egho, eke ali ukhui e kele-a, ea ke me ashikhoghwo la. 12 Igho mhi me egbo ni e ghuloa, ghe eniemhi, ali enikeke, e migha odalo oni ukpekhomhi oghie. Igho a khueghie ebe ni e bu-a. A gbo khueghie ebe olese-a ni o khi ebe ni a keke eva oyi eni e ya mholi agbo na agboagbo shi. A gue eni e ghu-a ezọ abi ikanya ni e gbe e li, abi a li keke we shi eni ebe. § 13 Oke o kpa egbo ni e ghuloa shi o ku lasese. Eghuli, ali ilimhi, e khueghie unu-a kpa egbo ni e la elemhi we ku lasese. A gue ogbogbo nya ezọ abi o li gbe. 14 Igho a pfi Eghuli, ali ilimhi lo uyele erali. Erali ilimhi iriere onana o khi eghuli onuzi-eva. 15 Onini eva oyoli oa da la oni ebe ni a keke eva oyi eni e ya mholi agbo na agboagbo shi ne, eri a ya pfi oli pfilo oni erali ilimhi iriere.

21

IJerusalemu Onogbo

‡ 20:8 Li ze Ezik 7.2; 38.2,9,15 § 20:12 Li ze iDan 7.9-10

1 Igho mhi li me iloghie onogbo ali eke agbo onogbo. Iloghie onodode ali eke agbo onodode e she kala-a, igho li khi oke oniemi.* 2 Mhi me oni eoli ni o pfuase ikhi oni iJerusalemu onogbo khi o rote idane e tiemhile rote obo oyi Eshinegba, abi omueshi ni a khuese somhotse e ghi odo li.† 3 Igho mhi suo ukpokpomhi uruli khi o rote oni eghiele e lie, “A ghe khe! Eshinegba o ri apfe oyoli tiemhile deba egbo, eri o ke ya nu egbo ngeli kugbe, eni egbo e ya khi egbo eyoli, Eshinegba o ya nu we la kugbe.‡ 4 O ya shishi we amevie alo-a, eghuli oa ke ya lao, wekhi eri a ke ke vie wekhi asha o ke ya ke to ogbo, irari khi emini edio e she dose.”§

5 Oni o shito oni ukpekhomhi oghie oo li, “Ghe khe, Mhi ri emhikpa a mele enegbo-a!” Igho oo, “Keke emhi enana shi eke irari khi ingmemhi ni a ri egbe e da ni e khi igesikia e khi.”

6 Oo mhe, “A she li oli. Mhemhe mhi Aafa ali Omega, mhemhe mhi khi igbaekele ni mhi khi ozukhomhi. Oni okiame oo gbe, mhi ya rote oke ni oo chocho ame, ni o ri agbo a na ogbo na li da afue.* 7 Oni o da mu o le ne, o ya mholi ikhivose ona, ni, Mhemhe mhi ya khi Eshinegba oyoli, loli o khi omimhe.† 8 Ama egbo ni e khi enulishi ali eni ea ya lama miesuo, ena angeli ichimhi ali egbugbeli, ali ena itsebo eni e mu imhese ogbho ali eni ega ikhumhi, ali e lo egholi nya, okiemhi oyewe o ya khi erali ilimhi irierie ni ofulu la to kua yala.

* 21:1 Li ze Aza 65.17; 66.22; 2 iPit 3.13 † 21:2 Li ze Aza 52.1; 61.10; Iro 3.12 ‡ 21:3 Li ze Ezik 37.27; iLev 26.11,12 § 21:4 Li ze Aza 25.8; 35.10; 65.19 * 21:6 Li ze Aza 55.1 † 21:7 Li ze 2 iSam 7.14; Iwolo 89.26-27

Onana khi eghuli onuzi-eva.”

⁹ Aḡeni oḡhuo eni oshilua ni o mh̄oli italabi ishilua ni e v̄o anas̄mh̄e ishilua ni e kpe ukhokho, o bhale ya līe mh̄e, “Bhale, mhi ya ri ̄oni ōmueshi ōn̄oḡb̄o khase, ni o khi ughue ̄oni Omi Osumha.”

¹⁰ Elemhi oni ayem̄h̄e, ̄oni aḡeni o tsua mh̄e nga ukhomhi ute onīemhi ni o yagha, o rem̄h̄e khase oni Eoli-No-pfuase ikhi iJerusalemu, khi o rōte idane te ob̄o oyi Eshineḡba a tiemhile.‡

¹¹ O ri ufumhi oyi Eshineḡba ḡe nyanyanya. Uḡemhi oȳoli o li abi echēli ni o somhi otse ni a lu iJasipa ni o li abi ugheḡbe.

¹² O mh̄oli ukpokpomhi ugbe ni o yagha ni o mh̄oli odē inuekp̄e igbēva. Eni odē inuekp̄e, iḡeni ogbava e la o. Eni odē inuekp̄e igbēva ena a keḡe eva eyi eḡeli igbēva eyi iZirēni shi o.

¹³ Odē inuekp̄e esese e la ob̄o-ugbe enenene oyi oni ugbe. Eḡe e la ukieḡe obini ov̄o o te e ngale oȳoli, es̄e e la ukieḡe obita, es̄e e la ukieḡe oḡob̄o, es̄e e li la ukieḡe obini ov̄o o te e lo eko.§

¹⁴ Oni ugbe ni o ḡasē oni eoli o mh̄oli echē iroḡbeḡe igbēva. Eni echē iroḡbeḡe ena, a keḡe eva eyi ighiusomhi na keḡe ogbava eyi ̄oni Omi Osumha shi o.

¹⁵ Oni o nu mh̄e e ngme, o mh̄oli ukpokpo ni a roḡ mh̄esē emhi ni o khi igolu ni o rō ya mh̄esē oni eoli ali eni odē inuekp̄e ali igbē eȳoli.*

¹⁶ Oni eoli o zē ab̄o igbē ene, ni iyagha ali inuata ali uem̄hi eȳoli e li abizize. O mh̄esē oni eoli, o ya khi ikuku emhi ēa la imali agbēlē ali egbhueshe ashi ishe (1,500), unuem̄hi ali uem̄hi eyi eni ab̄o igbē ali iyagha eȳoli e khi abizize.

¹⁷ Oni aḡeni o li

‡ 21:10 Li zē Ezik 40.2 § 21:13 Li zē Ezik 48.30-35 * 21:15 Li zē Ezik 40.3

mhesẹ ugbe oyoli, e ya khi ete-awẹ egbhuegbe. Abi awa liẹ mhesẹ eke. ¹⁸ Ugbe oyoli, eche ijasipa a ro ma li, oni ẹoli o khi egbegbi igolu ni a te ẹ me eke abi ughegbe. ¹⁹ Irogbekẹ oyi igbe ni a ma gase oni ẹoli e ya khi eche ni e ghale ododa. Onodode o khi ijasipa, onuzi-eva o khi isafaya, onuzi-ese o khi ikalisedoni, onuzi-ene o khi emeradi, ²⁰ onuzi-ishe o khi isadonizi, onuzi-esesa o khi ikaneliani, onuzi-ishilua o khi ikirisolati, onuzi-elele o khi iberili, onuzi-itili o khi itopazi, onuzi-igbe o khi ikirisopirazi, onuzi-igbaghuo o khi ijasiti, onuzi-igbeva o khi ametisiti. ²¹ Eni ode inuekpe igbeva e ya khi ifefe. Ode unuekpe ogbogbo a ri ufefe oyoli riefe oli. Ode agbala ni o la oni ẹoli, egbegbi igolu ni a te ẹ me eke abi ughegbe a ro ku oli.†

²² Mhi aa me Owa ugamhi okhoghuo oni ẹoli, irari khi Eshinẹgba Onomhue Nofunẹ nya ali Oni Omi Osumha wewe e khi Owa Ugamhi ni e la ghọ. ²³ Oni ẹoli ọa ke mholi emini o ri ugemhi oyi ovo wekhi oyi uki ya li. Irari khi ugemhi oyi Eshinẹgba loli o khi akpa ni o la ghọ, oni Omi Osumha o khi akpa ni o la ghọ.‡ ²⁴ Egbọ na agbo nya e ya ri oni akpa ke kia, ighie ni e la agbo e ya tsua epfue eyewe bhale ghọ. § ²⁵ Ogbọ ọa ya tigbe khukhu ode inuekpe ni e lo oni ẹoli le ghue, itobọ khi ogbo ọa ya me eliyose ghọ. ²⁶ A ya tsua epfue ali ufumhi eyi ishishi lo oni ẹoli le.* ²⁷ Ama, emini e ri ichimhi e mu ọa ya tigbe lo ghọ le, wekhi ogbo ni ọo gbe ikanya omama ali ni o riefe emhi egbhue, se khi egbo ni eva oyewe o la ebe ni a keke eva oyi eni e ya

† **21:21** Li ze Aza 54.11-12 ‡ **21:23** Li ze Aza 60.19-20 § **21:24** Li ze Aza 60.3 * **21:26** Li ze Aza 60.11

mholi agbo na agboagbo shi oyi oni Omi Osumha.†

22

Oke Ame Agbo

¹ Igho o ri oke ame ni o ri agbo o na ogo khashe mhe, oke ni o pfuase abi ughegbe, ni o rote ukpekhomhi Eghiele oyi Eshinegba ali oyi Omi Osumha tu u lasele.* ² Oni oke o rote iteva oyi oni ode agbala ni o la oni eoli. Ukiekie eve-eva oyi oni oke, oora ni o ri agbo o na ogo e migha, ni o mo idumhi igbeva ododa, ni oo mo idumhi uki kpa. Ebe oyi oni oora a ro ri ishishi ee ze.† ³ Emhikhoghuo ni Eshinegba o pfi unu na o ke ya la agho. Ama ukpekhomhi oghie oyi Eshinegba ali oyi Omi Osumha oyoli e ya la agho, eni ee ga eyoli e ya ke ga.‡ ⁴ E ya me alo eyoli, ali eva oyoli o la we alukpo. ⁵ Eliyose o ke ya la o. E a mholi emini e ri ugemhi oyi akpa ali ugemhi oyi ovo ya li, irari khi Eshinegba Onomhue lolighuo o ya khi akpa oyewe, e ya ke mheshe abi ighie agboagbo.§ ⁶ Oni ageni oo mhe, “Eni ingmemhi enana, eni a ri egbe e da e khi, e gbo khi igesikia. Eshinegba Onomhue ni o ri ayemhe oyoli na emekeguele, loli o ghie ageni oyoli o ka rokhase eni ee ga eyoli, emini a ya me ni o ke ya tesh.”

Ijesu o ya bhale

⁷ “A ghe ii, mhi kele ya bhale! Ikhivose o khi na ogo ni o ri ingmemhi imeguele ni e la ebe onana gbe akanya.”

† **21:27** Li ze Aza 52.1; Ezik 44.9 * **22:1** Li ze Ezik 47.1; iZaka 14.8 † **22:2** Li ze Igbae 2.9; Ezik 47.12 ‡ **22:3** Li ze iZaka 14.11

§ **22:5** Li ze Aza 60.19; iDan 7.18

⁸ Mhemhe iJoni mhi suo, ni mhi gbo me emhi enana. Abi mhi ro suo, ni mhi ro gbo me na, mhi de ya wugha oni ageni ni o ri eni emhi enana khase mhe awe ni mhi ga li. ⁹ Ama o gueye mhe, “Khi li igho, oni oo ga nabi ye ye ali onabi inyoghwo e emekeguele, ali eni e ri ingme ni a keke shi ebe onana gbe akanya mhi li khi. Ga Eshinęgba!”

¹⁰ Oo mhe, “Khi khukhu ingmemhi imeguele ni e la ebe ona, irari khi oni eghęghę o she ti ramhi.

¹¹ Oni oo riele onobe, o ke riele tsee, oni oo gbe ikanya ichimhi, o ke gbe tsee, oni o guę a ngeli, o guę ke ngeli tsee, oni o pfuase, o pfuase ke le tsee.”* ¹² “A ghe ii, mhi kele ya bhale, mhi tsua ifata eyemhe, mhi ya fali ogbogbo ota abi o li gbe.†

¹³ Mhemhe mhi khi Aafa ali Omega, Mhemhe mhi khi oni Odode ali Okpukhokho, ni mhi khi Igbaekele ali Ukpese.‡

¹⁴ “Ikhivose o khi na egbo ni e pfun iwulu eyewe-a pfuase, ni e mhue obọ shi oora ni o ri agbo a na ogbọ, ali ini e ba me asha rote ode unuekpe ni o lo oni eoli, le lole.§ ¹⁵ Ewa e la oolase oni eoli, ali eni e mu imhese ogbho ali eni e li itsebo ali egbo ugbeli ali eni e ga ikhumhi ali eni e da nono ingme egbholi, ni e di egbo.

¹⁶ “Mhemhe iJesu mhi she ghie ageni oyemhe o ri otsele ona ghi e eni igbaa nya eyi eni e mie iJesu iKirisiti suo. Mhemhe mhi khi Umhili ali Omiomi iDefidi, Mhemhe mhi khi Ukpeta ni o ge eluzogbe.”*

* **22:11** Li ze iDan 12.10 † **22:12** Li ze Aza 40.10; 62.11; Iwolo 28.4; iJere 17.10 ‡ **22:13** Li ze Iro 1.8,17; 2.8; Aza 44.6; 48.12

§ **22:14** Li ze Igbae 2.9; 3.22 * **22:16** Li ze Aza 11.1,10

17 Oni Ayemhe ali omueshi onogbo oo li, “Bhale!” Oni o suo ona o li lie, “Bhale!” Oni okiamе oo gbe o bhale, ali onini o ghole o bhale ka da amе ni o ri agbo a na ogbо, afue afue.†

18 Mhi tse agua ye ogbо ni o suo imeguele ni e la ebe ona. Ini ogbokhoghuo o khi ma o, Eshinegba o ya khi anasemhe ni a keke shi ebe ona ma li agbo.

19 Ini ogbokhoghuo o rote ingmemhi imeguele ni a keke shi ebe onana rue pfi-a, Eshinegba o ya mie oli okemhi ni o mhоli shi oora ni o ri agbo a na ogbо, ali ashini a khi na li shi eoli ni o pfuase, ni a ngme ingme oyoli shi oni ebe onana.‡

20 Oni o pfi otsеле shi ebe onana, oo, “Igesikia lo, mhi kele ya bhale.”

Atse. Ijesu Onomhue bhale.

21 Okhale oyi ijesu Onomhue o ka nu eni miesuo nya la, Atse.

† 22:17 Li ze Aza 55.1 ‡ 22:19 Li ze iDeut 4.2; 12.32

Ebe-No-Pfuasę Ishobo Onogbo
New Testament in Ivbie North-Okpela-Arhe
(NI:atg:Ivbie North-Okpela-Arhe)

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

The New Testament

in Ivbie North-Okpela-Arhe

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 21 Feb 2024 from source files
dated 29 Jan 2022

03be06b0-68fd-500b-b9a9-6bca4b63979a